

籌海重編卷之二

王官使倭事畧

魏正始元年遣使如倭

太守龔遵遣建中校尉梯儁等奉詔印綬使倭國拜假卑彌呼爵命并齎賜金帛錦罽刀鏡等物

六年賜倭臣綬

詔賜難升米黃幢付帶方郡假綬

八年遣使詔諭倭王

太守王傾到官卑彌呼與狗奴國王卑彌弓呼交兵遣其臣載斯烏越等詣郡說相攻擊狀郡遣塞曹掾史張政等因齎詔書黃幢拜假難升米為檄告諭之卑彌呼已死宗女臺與嗣政等以檄告諭之

隋煬帝大業三年遣使倭國

帝遣文林郎裴清渡百濟行至竹島南望耽羅國經都司麻國迥在大海中又東至一支國又至竹斯國經又東至秦王國其人同於華夏以為夷洲疑不能明

倭後十日遣小德何輩臺從數百人設儀仗鳴鼓角來迎彼都其王與清相見大悅曰我聞海西有大隋禮義之國欲遣朝貢我僻在海隅不聞禮義是以稽留境內不即相見故清來道飾館以待天使異聞大國維新之化清答曰皇帝德並二儀澤流四海以王慕化故遣行人來此宣諭既而清就館其後清遣人謂王曰朝命既達清即戒塗於是厚設燕享以遣復令使賜與清衣冠乃以綵錦為冠飾裳皆施襪綴以金玉云

唐太宗貞觀五年遣使持節撫倭

倭使入闕帝矜其遠詔有司無拘歲許貢遣斯州刺史高仁表持節撫之浮海數月方至仁表無綏撫之才與其王爭禮不宣朝命而還

元世祖至元三年遣使往諭日本不達而還

以高麗人趙彛等言日本國可通乃命兵部侍郎黑的給虎符充國信使禮部侍郎殷弘給金符充國信副使持國書使日本書曰大蒙古國皇帝奉書日本王朕惟自古小國之若境土相接尚務講信修睦况我祖宗受天明命奄有區夏遐方異域畏威懷德者不可悉數朕即位之初以高麗無辜之民久瘁鋒鏑者

至元四年遣使如日本

即命罷兵還其疆域反其旄倪高麗君臣感戴來朝義雖君臣歡若父子計王之君臣亦已知之高麗朕躬而無一乘之使以通和好尚恐王國知之未審故特遣使持書布告朕志冀自今以往通問結好以相親睦且聖人以四海為家不相通好豈一家之理哉以至用兵夫孰所好王其圖之黑的等道由高麗高麗國王王植夫孰所好王其圖之黑的等道由高麗部侍郎金贊等道詔使黑的的等往日本不至而還

五年遣使日本

六月帝謂王植以辭為解令去使徒還復遣黑的等至高麗諭植委以日本事以必得其要領為期植以阜等持書往日本留六月亦不得其要領而歸

至元六年遣使如日本

九月命黑的復持書往至對馬島日本九月命黑的復持書往至對馬島日本九月命黑的復持書往至對馬島日本九月命黑的復持書往至對馬島日本九月命黑的復持書往至對馬島日本

六月命高麗金有成送還所執二人俾中書省牒其國亦不報有成留其太宰府守護所者久之○七月

至元十年遣使如日本

六月趙良弼復使日本至太宰府而還

至元十一年命將征日本

三月命經畧使忻都高麗軍民總管洪茶立舟板都魯輕疾舟汲水千舟各三百共九百艘載士卒一萬五千期以七月征日本冬十月入其國敗之而官軍不整又矢盡惟擄掠四境而還

至元十二年遣使日本

二月遣禮部侍郎杜世忠兵部侍郎何文著計議官撒都魯丁往使亦不報

至元十七年日本殺使臣杜世忠

二月日本殺國使杜世忠等征東元帥忻都洪茶立請自率兵往討廷議姑少緩之○五月召范文虎議征日本八月詔募征日本士卒

至元十八年再征日本

正月命日本行省右丞相阿剌罕右丞范文虎及忻都洪茶立等率十萬人征日本二月諸將陛辭帝勅曰始因彼使來故朝廷遣使往彼遂留我使不還故使卿輩為此行朕聞漢人言取人國家欲得百姓土地若盡殺百姓徒得地何用又有事朕實憂之恐卿輩不和耳假若彼國人至與卿等有所議當同心協謀如出一口答之五月日本行省參議裴國伊等言本省右丞相阿剌罕范右丞李左丞先與忻都洪茶立入朝時同院官議定領舟師至高麗金州與忻都茶立軍會然後征日本又為風水不便再議定會於伊岐島令其水工畫地圖因見近太宰府西有平戶島者周圍皆水可屯軍船此島非其所防若徑

往據此島使人乘船往伊岐阿都茶丘來會進討
為利帝曰此間不悉彼中事宜阿都茶丘必知令其
自處之六月阿刺罕以病不能行命阿塔海代總軍
事八月諸將未見敵喪全師以還乃言至日本欲攻
太宰府暴風破舟猶欲議戰萬戶厲德彪招討王國
佐水手總管陸文正等不聽節制輒逃去本省載餘
軍至合浦散遣還鄉未幾敗卒于閩脫歸官軍六月
入海七月至平戶島移五龍山八月一日風破舟五
日文虎等諸將各自擇堅好船乘之棄士卒十餘萬
於山下眾議推張百戶為主帥號之曰張總管聽其
約東方伐木作舟欲還七日日本來戰盡死餘二
三萬為虜去九月至公角島盡殺蒙古高麗漢人謂
新附軍為唐人不殺而奴之閩輩是也蓋行省官議
事不相下故皆棄軍歸久之莫青與吳萬五亦逃
還十萬之眾
得還者三人耳

至元二十年遣使征日本不果

命阿塔海為日本省丞相與徹里帖木兒右丞劉二
拔都兒左丞募兵造船欲復征日本淮西宣慰使昂
吉兒上言民
勞乞寢兵

大德三年遣僧往說日本

遣僧寧一山者加妙慈弘濟大師附
商舶往使日本而日本人竟不至

國朝

太祖高皇帝洪武二年遣使招夷

遣使臣趙秩往日本招來倭夷於海至折木崖入其
境關者拒勿納秩以書達其王良懷乃延秩諭以中
國威德而詔旨有責讓其不臣之語王曰吾國雖夷
假在扶桑未嘗不慕中國之化而通貢奉惟蒙古以
戎狄蒞華而以小國視我使趙姓者誅我好語初
不知其規國也既而發水犀數十艘一時雷霆風波
漂覆幾無遺類自是不與通者數十年今新雷震風波
天子帝華使亦趙姓得非蒙古使之雲仍乎亦將誅我好
語而襲我也命左右將刃之秩不為動徐曰今
聖天子聖神文武明燭八表生華帝華非蒙古比我非蒙
古使後爾若悖逆不我信即先
殺我則爾之禍不旋踵矣我

朝之兵天兵也無不一當百我
朝戰艦雖蒙古戈船百不當一况天命所在人孰能違豈

朝之孔懷爾者與蒙古之襲爾國者此耶于是王氣沮下

延秩禮
遇有加

秋使行人揚載齋爾書諭日本國王

上命載往使齋爾書諭其國王曰上帝好生惡不仁者向者我中國自趙宋失馭北夷入而據之播胡俗以腥羶中土華風不競凡百有心孰不與憤自辛卯以來中原擾擾被倭來寇山東不遇乘胡元之衰耳朕本中國之舊家耻前王之辱與師震旅掃蕩胡番宵旰旰食垂二十年自去歲以來殄絕北夷以主中國惟四夷未報間者山東來奏倭兵數寇海邊生離人妻子損傷物命故修書特報正統之事無諭倭兵越海之由詔書到日如臣則奉表來廷不臣則修兵自固永安境土以應天休如必為寇朕當命舟師楊帆諸島捕絕其徒直抵其國縛其王豈不代天伐不仁者哉惟王之

洪武五年遣僧往諭日本

先是天寧寺僧祖闡以高行召至會朝廷將遣使詔與瓦錐寺僧無逸俱往祖闡毅然請行上壯之賜以緇器禪衣之屬令大官饌享于武樓下且諭其國敬浮屠喻以善道設化時天界寺僧宗勸嘗賦詩餞之其詩上獻凡十八韻首言王化無遐一視同仁次言宜誘以善道庶契西來祖意次言經涉海

太祖俯賜和之嘗聞古帝王同仁無遐邇蠻貊盡來賓我

彼此之異未言使旋方盡終始之言平法行之無有波難險君臣大義勿忘次言平等法行之無有去萬里地既辭釋迦門日宿海使休問海茫茫直風駕萬里際詣彼佛放光倭民大欣喜行止必端方母是尋根際詣彼佛放光倭民大欣喜行止必端方母失經之理入國有齋時齋畢還施禮是法皆平等語言休彼北盡善化頑心了畢總方已歸來為拂塵見終必見始祖闡受命而行自翁州啓權五日其國境又踰月始入王都館于洛陽西山精舍一遵聖教敷演正法無非約之以善聽者聳愕以為中華之禪也祖闡以無王請主天龍寺乃夢窓國師道場寔名利上命王悅命僧奉方物稱臣來貢既歸所以遣使者來之意上喜怡愉賜白金一

成祖文皇帝永樂九年遣使日本

遣三寶太監王進奉使日本收買奇貨至寧波選壯軍顧通號大漢將軍同往彼夷初御以禮後起別議

輒下滾江龍于港口得支
港潛出彼夷婦密引而還

永樂十五年遣使如日本

倭寇沙園所邊將執其酋首送京師詔待以不死遣刑部員外郎李淵等使日本

書責以敬天事大之義次年淵還其國王亦遣刺史奉表稱謝

宣宗章皇帝宣德八年遣使吊喪

倭王源道義卒上命太監雷春少卿潘錫等出使垂吊以盡懷柔之意

世宗肅皇帝嘉靖三十四年七月遣使移諭日本

先是海商王直挾倭以要互市不得遂糾島夷入寇而身為之調度浙直廣福沿海悉被殘破倭往倭來

訖無寧歲御史胡宗憲按浙廉知其情與督察侍郎趙文華奏乞遣使宣諭日本國王令其禁戢島夷以弭邊患實欲行間謀以勾致王直而絕禍源也疏入

上命廷臣議之咸稱曰便乃令布政司為檄致之宣布朝廷德意募能使者寧波生員蔣洲陳可願請行於是假

以市舶提舉服色充正副使以徃檄曰王國自我太祖高皇帝御極以來世秉恭順貢獻

天朝

待王恩亦不薄上下安和恪承天道各保生民今爾

者必殺無赦豈有縱民侵劫之理必是欺蔽國王私

出為非故特差正使蔣洲副使陳可願移檄報知王

若能守祖宗之大法思聖朝之厚恩憤部民之橫行分投遣人嚴加約束不許私

出沒海洋侵擾中國使邊警寧靜釁隙不生共享和平之福如此本司即為王奏聞

天子必有大旌勞之典史冊書美光傳百世豈不快哉否則奸商島民扇構不已黨類益繁盤據海島窺伺竊

矣今非日移文報知亦非為中國也王其深體而速行之洲等俸檄以行十一月望日至其國五島地方偶

遇直州養子毛海峯在焉洲等以移諭事告之遂引見直州等諭以

朝廷遣使之意及軍門招徠之心直為感德然不欲國王

之知也謂洲等曰夷意惟在求互市而已既朝廷有曠蕩之恩吾當為若等謀之熱天文國君孱弱不

能號令於其國其能禁戰諸部耶須歷島諭之亂可弭也遣毛海峯輩送可願回而留洲在島者數月海

峯以報効為名實伺內地虛實與當道待直之意何如以為進止時宗憲已總督軍務洞燭其奸乃故示以寬厚之意准令立功報効而為之奏

請賞資優溼海峯還報直始挺身而來謂市舶可通而榮
顯可致也然猶慮中變仍挾倭數千而來遷延海上
者又兩閱月洲與可願反覆說之又携貳其黨與始
入見軍門於寧波而生致之斬之市曹傳首
京師自此海上少戢矣後御史趙孔昭以洲專命使不
達其王謂為直黨惡奏繫詔獄論死巡視軍情郎中
唐順之謂不放洲將來者必復奏釋之
域為諱而阻宣力報効之心復奏釋之

倭奴朝貢事畧

漢武帝建武中入貢

帝滅朝鮮使驛始通使者自稱大夫

光武中光六年入貢

奉珍朝賀賜以印綬

安帝永初元年入貢

來獻生口百六十人願相見

魏景初一年朝獻

公孫淵誅後卑彌呼遣其大夫難升米牛利等帶方
物求詣天子朝獻太守劉夏遣使將送詣京師明
帝詔賜卑彌呼為親魏王假金印紫綬以難升米
為率善中郎將牛利為率善校尉假銀印青綬

正始四年入貢

卑彌呼遣大夫伊耆掖邪狗等八人獻方
物詔拜掖邪狗等率善中郎將各假印綬

八年入貢

卑彌呼死宗女臺與立率善中郎
將掖耶狗來獻生口白珠雜錦物

晉泰始初年入貢

臺與遣使朝獻臺與
死其國復立男王

安帝時通表

倭王讚通
表江左

文帝元嘉二年入貢

讚遣司馬曹達奉表獻方物讚死子珍立遣使入貢
自稱使持節都督倭百濟斯羅任那秦韓慕韓六國
諸軍事安東大將軍倭國王表求除正詔除安東將
軍倭國王珍又求除正倭洵等十三人平西征虜冠
軍輔國將軍等
號詔並聽之

二十年入貢

倭王濟遣使奉獻復以
為安東將軍倭國王

二十八年加封王復入貢

加使持節都督倭斯羅任那加羅秦韓慕韓六國諸
軍事安東將軍如故并除所上二十三入職濟死子
興遣使貢

順帝昇明二年入貢

倭國王武遣使上表言自昔祖彌躬擐甲胄跋涉山
川不遑寧處東征毛人五十五國王道融泰廓土遐畿累葉朝
宗不愆于歲道經百濟裝飾船舫而高麗無道圖欲
見吞臣亡考濟亡兄興並欲大舉問罪不幸奄喪父
兄使垂成之功不獲一貫今欲練兵申父兄之志竊
自假開府儀同三司其餘咸各假綬以勸忠節詔除
武使持節都督倭斯羅任那加羅秦韓慕韓六國諸
軍事安東大將軍倭王

文帝開皇二年入貢

倭王多利思比孤遣使詣闕上念所使訪其風俗使
者言倭王以天為兄以日為弟天明時出聽政跣
坐日出便停理務去委我弟文
帝曰此大無義理訓令改之

煬帝大業二年遣使入貢

多利思比孤復遣使朝貢使者云聞海西菩薩天子重興佛法故遣朝拜兼有沙門數十人來學乾道國書曰日出處天子致書日沒處天子無恙云煬帝覽之不悅謂鴻臚卿曰蠻夷書有無禮者勿復以聞

大業三年入貢

報使也

唐太宗貞觀五年入貢

倭使入闕帝矜其遠詔有司無拘歲許貢仍遣高文表往撫之使者不宣朝命而回○詳見出使事畧

永徽初年貢寶物

遣使獻琥珀大如拳瑪瑙若五升贊時斯羅為高麗百濟所暴高宗賜璽書令出兵援斯羅

永徽二年夷使偕蝦蟇入貢

倭使協蝦蟇人皆朝蝦蟇亦居海島中其鬚長四尺許珥箭于首令人戴瓠立數十步射無不中

咸亨元年入貢

遣使賀平高麗後稍習夏音惡倭名更號日本使者自言國近日所出以為名○或云日本乃小國為倭所併故冒其號使者不以情故疑焉又妄誇其國都方數千里南西盡海東北限大山其外即毛人云

長安元年入貢

時遣真人栗田貢方物○彼國真人猶唐尚書冠進德冠頂有華薦四披紫袍帛帶栗田好學屬文進止有方且求書籍武后宴之麟德殿授司膳卿

開元初年入貢

仍遣粟田復朝請從諸儒授經詔四門助教趙玄默即鴻臚寺為師獻大幅布為贊悉賞物貨書以歸其副朝臣仲滿慕華不肯去易姓名曰朝衡歷佐禱關儀友文多所該載久乃還

開元四年入貢

彼國寶龜二年遣僧正玄昉入朝貢物

開元二十四年入貢

遣二僧靈仙行賀入唐禮五臺山學佛法

元和元年入貢

夷遣騰元葛野與空海大師及延歷寺僧登入唐詣天台山傳教

會昌元年入貢

遣僧貢物入唐禮五臺佛法

光啓元年入貢

遣僧宗睿貢物入唐傳教

大曆十二年入貢

遣使表貢方物

天寶十二年朝貢

時朝衡復入朝貢物上元中羅左散騎常侍安南都護求內外經教及傳戒新羅梗海道更由明越州朝貢

建中元年入貢

夷遣使真人興能獻方物真人蓋因官而氏者興能善書其紙以璽而澤之莫曉何物所造

貞元末年遣使入朝

其王栢武遣使入朝其學子橋免勢屠空海願留肄業歷二十年使者高階真人來請免勢等俱還詔可

貞元四年入貢

遣文明使貢物

後梁龍德中入貢

遣僧寬建入貢方物

宋雍熙元年入貢

夷遣僧使大周然與其徒五六人浮海而至獻銅器十餘事并本國職員及年代紀各一卷大周然衣綠自云姓藤源父為真連。真連官名其國五品職也。大周然善隸書不通華言問其風俗但書以對云。國中有五經書及佛法白居易集十七卷並得自古國交易用銅錢文曰乾文大寶銀以貢賦國王自古傳襲王今六十四世文武僚吏皆世官其皇系詳見年代紀上聞之嘆息謂宰相曰此鳥夷耳乃祚遐久

其臣亦繼襲不絕此蓋古道也中國自唐季之亂郡
縣分裂梁周五代享歷尤促大臣世胄鮮能嗣續朕
雖得繼往聖嘗夙夜寅畏講求治本不敢暇逸建無
窮之業垂可久之範亦以為子孫之計使大臣之後
世襲祿位此朕之心焉又云其國多中國典籍大周
然來復得孝經一卷即鄭氏註越王孝經新義第十
五一卷即唐太宗子越王真新義者記室參軍任希
古等撰也皆金縷紅羅標水晶為軸復求詣五臺許
之本大藏經過給食又求印

端拱元年夷僧奉表來謝并貢方物

大周然遣弟子喜奉表來謝曰日本國東大寺大朝
法濟大師賜紫沙門大周然啓傷麟入夢不忘漢主
之恩枯骨令歡猶元魏氏之敵雖云羊僧之拙寧忘
鴻儒之恩周然誠恐頃頃首死罪大周然附
商船之離岸期魏國于生涯望落日而西行十萬里
之波濤難盡顧信風而東別數千里之山岳易過望
以下根之甲適詣中華之盛於宣旨頃降恣許荒
外之或涉宿心克協歷觀宇內之壞奇况乎金闕曉
後望堯雲于九禁之中巖局晴前拜聖登于五臺之
上就三藏而稟學之心數印字佛詔傳于東海之東重
蒙宣恩忽起來跡北貝葉印字佛詔傳于東海之東重

郊爰待明春初到舊色縑素竹待侯伯慕迎伏惟
下惠溢四瀕恩高五嶽世起黃軒之古人在彼在斯
新大周然空辭鳳凰之窟更還樓蟻之封在彼在斯
之身何報一日之會樂筆拭淚伸紙搖魂不勝慕恩
之至謹差上足弟子傳燈大法師位嘉因併大朝別
頭受戒僧祚乾等拜表以開稱其本國亦延二年歲
次戊子二月八日又別啓供佛紅納青木函琥珀青
紅白水晶紅黑木縑子念珠各一連並納螺銅花形
平函毛籠一紅納螺杯二口萬龍一納法螺二口染皮
二十枚金銀時繪莒莒合納髮鬘二頭又鹿卷納三
議正四位金銀藤佐理手書二卷及進奉物數一卷
狀一卷又金銀時繪硯一書一合納金銀合納鹿卷
松烟墨金瓶水銀時繪硯一書一合納金銀合納鹿卷
扇二十枚蝙蝠扇二枚螺鈿螺鈿對其一合納赤木
梳二百七十其納骨一螺鈿螺鈿對其一合納赤木
几一銀時繪平莒一納骨一螺鈿螺鈿對其一合納赤木
犯表一金銀時繪平莒一納骨一螺鈿螺鈿對其一合納赤木
屏風一雙石
硃黃七百觔

咸平五年來貢

連州海商周世昌遭風飄至日本凡七年得還與其
國人滕木吉至上皆召見之世昌以其國人唱和詩

來上詞甚雕刻膚淺無所取詢其風俗云婦人皆被髮一衣用二三簾又陳所記州名年號上合藤木吉以所持木弓矢挽射矢不能遠詰其故國人不習戰鬪賜木吉時裝錢遣還

景德元年入貢

遣僧寂照等八人來朝寂照不曉華言而識文字繕寫甚妙凡問答並以筆札詔號員通大師賜紫方袍

天聖四年入貢却之

十二月明州言日本國太宰遣人貢方物而不持本國素詔却之其後亦未通朝貢商賈時有傳其物貨至中國者

熙寧五年夷僧獻方物

僧誠尋至台州止天台國清寺願留州以聞詔使赴闕誠尋獻銀香爐木榭子白琉璃五香水晶紫檀琥珀所飾念珠及青色織物綾神宗以其遠人而有或業處之開寶寺盡賜同來僧紫方袍是後連貢方物而來者皆僧也

元祐元年入貢

使通事僧仲回來賜號慕化懷德大師明州又言得其國太宰府牒因使人孫忠還遣仲回等貢絹二百疋水銀五千兩以孫忠及海商而貢禮與諸國異請自移牒報而答其物直付仲回東歸從之

乾道九年入貢

始附明州綱首以方物入貢倭船火兒滕太明歐鄭作死詔械太明付其綱首歸治以其國之法

淳熙三年入貢

元至元八年遣使入朝

九月高麗王植遣其通事別將徐稱導送趙良弼使日本始遣彌四郎入朝帝宴勞遣之

至元九年遣使來朝却之

二月樞密院臣言奉使日本趙良弼遣書狀官張鐸來言去歲九月與日本國彌四郎等至太宰府西守護所守者云曩為高麗所詒屢言上國來伐豈期皇帝好生惡殺先遣行人下示璽書然王京去此尚遠願先遣人從使回報良弼遣鐸同其使二十六人至京師求見帝疑其國主使之來云守護所者詐也詔翰林承旨和禮霍孫以問姚樞許衡等皆對曰誠如聖筭彼恐我加兵故發此輩伺吾強弱耳宜示之寬

仁且不宜聽其入見從之是月高麗王植致書日本五月又以書往令必通好大朝皆不報

至元十四年遣使易錢

日本遣商人持方物來易錢許之

大明洪武二年入貢

太祖高皇帝混一寰宇薄海之外莫不臣僕惟日本未至乃遣使臣趙秩往諭之。詳見使倭事畧。其王良懷乃遣僧祖來進表箋貢馬及方物并僧九人來朝詔賜祖來等文綺及僧衣比辭遣僧祖闡克勤等八人護送還國仍賜良懷大統曆及文綺紗羅

洪武十二年入貢

夷船一隻稱貢緣無表文却之來人分發雲南川陝三邊安插

洪武十三年入貢

遣僧貢馬及茶布刀扇之類亦無表文以其私貢不納來人仍發三邊安插

洪武十四年入貢

七月國王良懷遣僧如瑤貢馬十四匹及方物通有前來人船花名乃命行取赴京宴賞歸國。會典記十二年貢者作七年十四年貢者作發三邊安插與南京禮部案不同必記者之誤耳。通志作却其貢

洪武十五年入貢

使歸廷用入貢方物厚賞回還明州備倭指揮林賢在京隨駕時交通樞密使胡惟庸替遣宣使陳得中密與設計令將歸廷用誣為倭寇分用賞賜中書省舉奏其罪流賢日本

洪武十六年詔絕日本之貢

賢流三年逆臣胡惟庸暗遣人充宣使私往日本取回就借精練兵四百與僧如瑤來獻巨燭中藏火藥兵且意在圖亂上大怒磔賢于市乃降詔責其君臣絕其貢祖訓云以日本隔海僻在一隅得其地不足以供給得其民不足以使令故不與兵致伐者為訓章絕其往來

永樂二年入貢

上命太監鄭和統督樓船水軍十萬招諭海外諸番日本首先納款擒虜犯邊倭賊二十餘人即命治以彼國之法盡蒸殺之金銅餅猶存爐竈遺址在蘆頭堰降勅褒獎給勘合百道定以十年一貢船止二隻人止

二百違例則以冠論制限進貢方物
黃貼金扇牛皮鎗盔蘇木漆金裝絲屏
風劍灑金厨子灑金手箱灑金木鈹角盤
刀灑金文臺插金粉匣插金筆匣水晶數
珠抹金提瑪瑙

宣德元年入貢

入貢人船喻數刀劍過多特諭來使今後貢船不
過三隻使人毋過三百刀劍毋過三千不許違禁

宣德七年入貢

來使不知禮法
甚擾于民禁之

宣德十年入貢

并奉表謝恩以八
年遣使吊喪也

正統七年入貢

時貢船九隻使人千餘分發境清天寧各寺安歇
朝廷雖責其越例以遠人慕化亦寬容之八年六月使回
迷失使頭晉福二人在樂清沙嵩滕嶺坊長孔希名
獲解把總遣回晉福在途悲感有詩云來遊上國見

中原細嚼青松咽冷泉慈母在堂年八十孤兒為客
路三千心懷北闕浮雲外身在西山返照邊處處朱
門花柳巷不知何日是歸年

天順二年入貢

京師燕賞豐渥捆載而歸

成化二年偽貢

時都指揮張翥洞燭
其偽貢之奸而去

成化十一年入貢

諸使詣京沿途騷擾
朝廷為禁約之

成化二十年入貢

六月使臣周瑋入貢
勅諭彼王知會自後宜恪遵宣德中事例也

弘治八年入貢

五月差使壽真入貢方物赴京沿途生事至濟寧強
買貨物彼此殺傷罪及解官府照磨童劍指揮魏政

提舉王昭俱降調通事林春克軍次年使歸
司府失於檢點致對人朱縞填欠貨物而去

正德四年入貢

五月正使宋素卿副使源永春貢方物請祀孔子儀
註朝議孔子中國聖人不當為夷狄藝賣不許素卿
者即勤人朱縞其家鬻于夷商湯四五郎越境亡去
至是充使入貢重賂逆瑾蔽覆其事蓋縞在倭國偽
稱宗室苗裔傾險取寵輔庶奪嫡
爭功要利而夷夏之釁遂釀于茲

正德八年入貢

五月夷船三隻使僧桂
梧貢方物越歲而去

嘉靖二年入貢

四月夷船三隻譯傳西海道大內誼與國遣使宗設
謙道入貢越數日夷船一隻使人百餘復無南海道
細川高國遣使瑞佐宋素卿入貢道至寧波江下時
市舶太監賴恩私素卿重賄坐之宗設之上且貢船
後至先與盤發遂致兩夷讐殺毒流壘市宗設之黨
追逐素卿直抵紹興城下不及而還至寧波脅寧波
衛指揮袁進奪舟越關而遁時備倭都指揮劉錦追
賊戰沒于海定海衛掌印指揮李震與知縣劉錦追

同心濟變一日數警而城以無患賊有漂入朝
國王李懌擒獲中林望古多羅械送京發浙江按察
司與素卿監禁候
旨法司勦處者九數十次而夷囚竟死于獄倭奴自此懼
罪通誅不敢款
關者十餘歲

嘉靖十七年入貢

五月夷船三隻使僧古昂副使僧周良持方物表貢
且求還前遺物法司以事已經亂貨應入官且無從
索之良等乃不敢言
朝廷復申十年一貢之例責令送還正德以前勘合更給
新者遵照入貢

嘉靖二十三年入貢

是年六月夷船一隻使僧什壽光等二百
五十八人稱貢驗無表箋且以非期却之

嘉靖二十六年入貢

朝議欲却之使臣周良人船喻例且非貢期
魯山停泊至
明年而後納之

鐘按外夷自越裳氏重譯來獻之後君天下者於是
有侈心焉不知戎狄交侵無損周室之盛呼韓稽顙
何補漢祚之衰是故明主內脩外治彼倭貢者其來
不足喜其去不足怒也

往日本針路 見渡海方經及海道針經

太倉使往日本針路

太倉港口開船用單乙針一更船平 更者每一晝夜分為

十更以焚香枝數為度以木片投海中人從船面行驗風迅緩定更多寡可知船至某山洋界

吳淞江用單乙針及乙卯針一更平

寶山到南匯嘴用乙辰針出港口打水六七丈

沙泥地是正路三更見茶山 茶山水深十八托云行一百六十

里正與此合

自此用坤申及丁未針行三更船直至大小七

山難山在東北邊

灘山下水深七八托用單丁及丁午針針三更

船至霍山





霍山用單午針至西後門



西後門用巽巳針三更船至茅山

茅山用辰巳針取廟州門船從門下行過取升



羅嶼廟州門水深急流

升羅嶼用丁未針經崎頭山出雙嶼港升羅崎頭俱可



泊船崎頭水深九托

雙嶼港用丙午針三更船至孝順洋及亂礁洋



雙嶼港口水流急孝順洋水深十三托泥地

亂礁洋水深八九托取九山以行九山西邊有礁打水行船



宜仔細一云亂礁洋水深六托泥地

九山用單卯針二十七更過洋至日本港口打水



又有從烏沙門開洋七日即到日本

若陳錢山至日本用艮針

福建使

往日本針路



梅花東外山開船用單辰針乙辰針或用辰巽

針十更船取小琉球



小琉球套北過船見鷄籠嶼及梅花瓶彭嘉山

彭嘉山北邊過船遇正南風用乙卯針或用單



卯針或用單乙針西南風用單卯針東南風用

乙卯針十更船取釣魚嶼



釣魚嶼北邊過十更船南風用單卯針東南風

用單卯針或用乙卯針四更船至黃麻嶼

黃麻嶼北邊過船便是赤嶼五更船南風用甲



卯針東南風用單卯針西南風用單甲針或用單乙針十更船至赤坎嶼

赤坎嶼北邊過船南風用單卯及甲寅針西南風用艮寅針東南風用甲卯針十五更船至古

米山

古米山北邊過船有礁宜知畏避南風用單卯

針及甲寅針五更船至馬崙山

馬崙山南風用甲卯或甲寅針五更船至大琉

球

大琉球那霸港泊船土官把守港口船至此用單卯及甲寅針行二更進

那霸港內港以入琉球國中

那霸港外開船用單子針四更船取離倚嶼外

過船南風單癸針三更船取熱壁山以行

熱壁山南風用單癸針四更船取硫黃山

硫黃山南風用丑癸針五更船取田嘉山又南

風用丑癸三更半船取慶加刺山南風用單癸

針及丑癸針三更船取大羅山

大羅山用單癸針二更半船取萬者通七島山

西邊過船

萬者通七島山用單寅針五更船取野顧七山

島內名叫兵之妙是麻山嶼野顧山用巽寅針

二更半船但尔山用艮寅針四更船取亞南山

一云野顧山對面行六十里有小礁四五箇最宜畏避在北邊過船用艮寅方行一百五十里

至旦午山用艮寅方行一百四十里至亞南山





亞南山平港口其水望東流甚急離此山用艮寅針十更船取亞慈理美妙若不見此山用單

艮針二更船又艮寅針五更船取船灣奴一云沿渡

奴烏佳眉山沿渡奴烏佳眉山用單癸針三更

船若船開時用單子針一更船至而是麻山

而是麻山南邊有沉礁名套礁一云名佐東北沉長礁

邊過船用單丑針一更船是正路却用單子針

四更船取大門山中

大門山傍西邊門過船用單丑針三更船取兵

禪山港

兵禪港循本港直入日本國都

二卷終

籌海重編卷之三

崑山 鄭若曾 原編
晉江 鄧 鍾重編

目錄

廣東總圖

廣東兵防官考

廣東倭變紀

廣東事宜

廣東圖

東福建界

贛州界



廣東圖

卷之三 百金



廣西界

廣圖二



廣東兵防官考

鎮守總兵官

駐劄省城各路將領俱屬節制有坐營官統領標下
 客土兵三營又中權左右二部兵船各十隻官兵各
 四百二十五員名泊虎
 頭門專聽調度兼應

潮漳副總兵

駐劄南澳石林守備專屬調度有廣營陸兵三百名
 又中哨兵船一十三隻官兵三百五十六員名專聽
 生駕遇
 警追擊

潮州叅將

駐劄潮州遇汛則出駐大城等所有陸兵五營專聽
 調度兵遇汛亦出沿海

惠州叅將

駐劄惠州遇汛則出駐碣石衛有陸兵四營碣石把
 總專聽調度

南頭叅將

壽海軍編

卷之三

雷廉參將

駐劄雷州陸兵二營白
鷓門把總專聽調度

瓊崖參將

春冬駐瓊州夏秋駐崖州陸兵五
營白沙把總三亞分總俱聽調度

澗洲遊擊

駐劄澗洲兵船大小四十九隻官兵一千六百陸員
名自海安所接白鷓信地起歷海康樂民乾體港至
欽州龍門港止皆其信地

柘林守備

該寨原大小兵船四十五隻官兵一千一百七十五
員名近添防倭戰船二十五隻新增官兵一千二百
八十五員名自福慶遊兵交界起歷南澳長沙尾馬
耳河渡門海門等處至惠來神泉港止皆其信地

碣石把總

碣石相

該寨兵船大小三十四隻官兵八百五十四員名自
神泉港接柘林信地起歷甲子港田尾洋白沙湖長
沙等處至大星山巽寮港止皆其信地與南頭相接

虎頭門把總

該寨大小兵船二十隻官兵四百四十四員名東南
接黑石角南頭信地西至香山界北至布涌哨界

廣海守備

該寨原大小兵船一百三十五名自三角洲接南頭
今增兵船十隻兵三百三十五名自三角洲接南頭
信地起至芒洲娘澳止
與北津信地相接

北津把總

該寨大小兵船三十四隻官兵九百七十六員名自
芒洲娘澳接廣海信地起歷海陵放鷄蓮頭至吳川
赤水港止與白
鷓信地相接

白鷓門把總

該寨大小兵船二十八隻官兵八百四十六員名自赤水港接北津信地起歷限門沙頭洋至海安所止與瀾洲信地相接

白沙把總

該寨遠設海外駐劄白沙大小兵船三十隻官兵八百七十八員名三亞寨分總大小兵船二十七隻官兵七百七十四員名如文昌清瀾會同樂會澄邁臨高儋州昌化陵水萬州感恩魚鱗洲等海洋皆其信地東接白鶴西接瀾洲各海界

此外有東山西山叅將肇慶練兵遊擊本省都司兩廣軍門坐營都司總兵坐營羅定恩平南韶守備各路陸兵不具載

沿海衛所

潮州衛 旗軍一千二十八名

大城所 旗軍三百三十三名

蓬州所 旗軍三百三十八名

海門所 旗軍二百五十二名

靖海所 旗軍二百二十二名

碣石衛 旗軍一千二十四名

甲子門所 旗軍二百七十七名

捷勝所 旗軍五百五十二名

海豐所 旗軍四百零四名

平海所 旗軍四百七十七名

南海衛 旗軍一千一百七十三名

大鵬所 旗軍二百三十三名

東莞所 旗軍三百二十八名

廣海衛 百旗 六軍 一千五百名

香山所 二旗 八軍 四百名

新會所 六旗 十軍 六百名

海朗所 八旗 十軍 四百名

肇慶衛 六旗 十軍 七百八名

新興所 五旗 十軍 二百名

陽江所 八旗 十軍 三百名

神電衛 五旗 十軍 一千二百名

陽春所 一旗 十軍 二百名

雙魚所 七旗 十軍 一百名

寧川所 五旗 十軍 四百名

雷州衛 一旗 百九十五名

石城後所 三旗 十軍 二百名

錦囊所 三旗 十軍 二百名

海安所 八旗 十軍 一百名

海康所 二旗 十軍 三百名

樂民所 四旗 十軍 三百名

廉州衛 五旗 十軍 九百名

未安所 九旗 十軍 三百名

靈山所 五旗 十軍 二百名

欽州所 一旗 十軍 二百名

海南衛 百旗 十軍 一千三百名

儋州所 八旗 十軍 四百名

萬州所 六旗 十軍 四百名

崖州所 一旗 十軍 八名

清瀾所 八旗 十軍 七名

昌化所 五旗 十軍 三名

南山所 一旗 十軍 五名

沿海烽堠

潮州府

白沙 黃崗 新場 大場 南

石城 南

惠州府

安流 鉛錫 吉頭 新設 東坑 大青 四鵬

長沙 東坑 大青 四鵬

水頭 東坑 大青 四鵬

白峰 環山 下嶺 南

競山 麗山 石山 白湖 野牛 銀平

石山 麗山 石山 白湖 野牛 銀平

石山 麗山 石山 白湖 野牛 銀平

石山 麗山 石山 白湖 野牛 銀平

井洲 錢塘 沙尾 鈞

後江 麗江 古運 芳茅 沙洲 熊

後江 麗江 古運 芳茅 沙洲 熊

後江 麗江 古運 芳茅 沙洲 熊

後江 麗江 古運 芳茅 沙洲 熊

鷓鴣 浮山 錢岡 文昌

前標 新甲 河甲 虎白 沙澳

前標 新甲 河甲 虎白 沙澳

前標 新甲 河甲 虎白 沙澳

前標 新甲 河甲 虎白 沙澳

廣州府

風門 秋風 福涌 英村 長洲 四會 黃坡 白石 鎮口

赤崗 福涌 英村 長洲 四會 黃坡 白石 鎮口

岡村 福涌 英村 長洲 四會 黃坡 白石 鎮口

員攬 福涌 英村 長洲 四會 黃坡 白石 鎮口

石門 福涌 英村 長洲 四會 黃坡 白石 鎮口

水南 福涌 英村 長洲 四會 黃坡 白石 鎮口

企觀 福涌 英村 長洲 四會 黃坡 白石 鎮口

火南 福涌 英村 長洲 四會 黃坡 白石 鎮口

豐田 福涌 英村 長洲 四會 黃坡 白石 鎮口

肇慶府

處儒 三丫 那蘇 潭村 白沙

那貢 三丫 那蘇 潭村 白沙

壽長 三丫 那蘇 潭村 白沙

南海 三丫 那蘇 潭村 白沙

黃村 三丫 那蘇 潭村 白沙

高州府

羅浮 白山 輔弼 南

連頭 尖

大陳 調高

山尾

丹草 北津 合浦 那浮

丹草 北津 合浦 那浮

丹草 北津 合浦 那浮

丹草 北津 合浦 那浮

丹草 北津 合浦 那浮

北平 尖山 麻里 石門

北平 尖山 麻里 石門

北平 尖山 麻里 石門

北平 尖山 麻里 石門

北平 尖山 麻里 石門

南洋 白沙 赤水 北額

南洋 白沙 赤水 北額

南洋 白沙 赤水 北額

南洋 白沙 赤水 北額

南洋 白沙 赤水 北額

鹽田 冷水 青紫 煙江 稍潭 馬鞍 陳村 寨南

鹽田 冷水 青紫 煙江 稍潭 馬鞍 陳村 寨南

鹽田 冷水 青紫 煙江 稍潭 馬鞍 陳村 寨南

鹽田 冷水 青紫 煙江 稍潭 馬鞍 陳村 寨南

鹽田 冷水 青紫 煙江 稍潭 馬鞍 陳村 寨南

鹽田 冷水 青紫 煙江 稍潭 馬鞍 陳村 寨南

鹽田 冷水 青紫 煙江 稍潭 馬鞍 陳村 寨南

鹽田 冷水 青紫 煙江 稍潭 馬鞍 陳村 寨南

疊福 黃埔 節尾 白沙 雙江 白蒙

疊福 黃埔 節尾 白沙 雙江 白蒙

疊福 黃埔 節尾 白沙 雙江 白蒙

疊福 黃埔 節尾 白沙 雙江 白蒙

疊福 黃埔 節尾 白沙 雙江 白蒙

疊福 黃埔 節尾 白沙 雙江 白蒙

疊福 黃埔 節尾 白沙 雙江 白蒙

疊福 黃埔 節尾 白沙 雙江 白蒙

嘴角 南山 石岐 青藍 亭子 北寨 奇梨 峯前

嘴角 南山 石岐 青藍 亭子 北寨 奇梨 峯前

嘴角 南山 石岐 青藍 亭子 北寨 奇梨 峯前

嘴角 南山 石岐 青藍 亭子 北寨 奇梨 峯前

嘴角 南山 石岐 青藍 亭子 北寨 奇梨 峯前

嘴角 南山 石岐 青藍 亭子 北寨 奇梨 峯前

嘴角 南山 石岐 青藍 亭子 北寨 奇梨 峯前

嘴角 南山 石岐 青藍 亭子 北寨 奇梨 峯前

雷州府

北鵝
西堡
通明
清安
八燈
遇賢

麻障
南浦
南門
踏石
那宋

石歲
淡水
陳家
對樓

北月
草綠
寧海
討網

北品
調陳
調黎
包西

瓊州府

白沙
赤石
水口
佛老
南港
洋冲
烏石
澄邁

七星
蓮塘
牛頭
古奔
北海
安海

凌水
馭北
大營
魚麟
禾田
我灣

中場
楊山
南山
白沙
大英

大場
凌水
郎樓
山南
南岸

廣東倭變紀

洪武二年倭寇惠潮諸州

時天下初定海內又安倭夷竊發濱海一帶皆被騷擾乃命行人楊載使日本以重書諭其國王○書詳見使倭事畧中

四年倭寇海晏下川指揮楊景討平之

時海寇鍾福全李夫人等自稱總兵挾倭船二百艘寇海晏下川等地廣州左衛指揮僉事楊景追捕至陽江平之

永樂七年冬十月倭陷廉州教授王翰死之

翰河南人任廉州府學教授嚴立規程教誨不倦倭賊陷城民皆逃匿翰整衣冠端坐明倫堂賊至欲執之罵詈不屈遂遇害

九年三月倭陷昌化所千戶王偉死之

時副總兵李珪等擁兵不救城遂陷王偉力戰而死軍士死者甚衆城中人口糧食軍器皆被劫掠

十九年正月辛巳李珪敗倭於潮州靖海海濱

珪先以昌化之陷戴罪殺賊大敗賊于靖海生擒十五人斬首五級悉送京師

嘉靖三十二年春正月海賊許棟寇潮陽縣招收秋九月

許朝光殺之

棟饒平黃岡人自結髮為盜構通倭夷毒痛海上垂及莫年潮人苦之棟無子養謝氏子為己子曰朝光以所統賊眾數千半令掌之尋復流劫潮陽招收等里自往外洋留朝光屯海上及棟還自日本朝光迎棟于石碑澳殺之江中因盡有其眾自立為澳長君子曰朝光之殺許棟與安慶緒之殺祿山其事殆相類蓋祿山忘堂陛之分以無君許棟戕業梓之邦以無父其滔天之罪均也使其伏鑽乎法曹斷頭于仇人之手何足以明天報今適以七尺之軀見屠於其子謂非天道癉惡之微權乎

三十三年海寇何亞八等引倭入寇提督侍郎鮑象賢

總兵定西侯蔣傳討平之

先是亞八與鄭宗興等潛從佛大坭國引番船于沿海劫殺逸往福建收叛亡數千人與陳老沈老王明王直徐銓方武等流劫浙福復回廣東鮑象賢副使汪柏指揮王沛黑孟陽督兵捕之及於廣海三洲環生擒亞八等賊一百一十九名斬首二十六級餘黨脫逃徐銓方武等又自福建流突潮州為黑孟陽所破徐銓授首分巡兵備等官兵於潮州柘林等海所擒斬一千二百有奇亞八宗興武與陳時傑等俱斬于市海鳥遂平

三十四年撫盜許朝光分據潮陽牛田洋後為陳滄海

所殺

朝光自殺棟後沿海焚劫日熾當事者乃始昌為招撫之說聽其自據海陽闕望村威制海上又分據潮揭牛田鮑浦等處凡商船往來皆給票抽分名曰買水朝光復深居大舶公行擊斷間或出入城郭列羽衛以要陪官之宴其橫如此後朝光又為其酋陳滄海所殺聞者快之今南澳有許朝光舊寨云

三十七年正月壬午倭犯揭陽入蓬州所官兵擊敗之

先是壬子歲倭寇初犯漳泉僅二百人其間真倭甚寡皆閩浙通番之徒髡頭以從至是船十三艘賊八百人自漳泉犯揭陽縣適蓬州千戶所城崩賊遂擁入殺百戶李日芳等提督都御史王鈞遣副使林懋

舉僉事經彥案參將鍾坤秀知府李春芳指揮劉天倫等官與擊敗之斬首一百七十名顆劉天倫復追至東壘港與倭血戰死焉

十月甲子倭賊自饒平攻黃崗鎮據其城官兵敗之

經彥案等大敗賊衆俘斬一百四十六名是戰也鄉夫之功居多

三十八年二月寇圍柘陽官兵大破之

時軍門駐潮州肇慶同知呂天恩與僉事經彥率鄉兵合擊之斬獲甚多寇復趨柘陽圍城彥案帥師救之鄉夫斬金甲賊酋一人賊大敗走俘賊無算會彥案報罷僉事殷從儉代之乘勝逐北賊望風而靡黃崗鎮賊亦逃去

十一月庚午賊攻海門所官兵敗之走犯潮陽復破之

先是賊在福建之平和與饒平黃崗鎮隔界而壘至是賊首許老等三百餘賊引倭千餘自磊門登陸攻海門所官兵擊之賊死甚多壬申南丹土目莫善等追賊與指揮孫敏擊敗之賊遁還平和丙子許老等犯潮陽縣丞范楠卿等兵擊走之賊由分水關犯黃崗鎮城通判翁慶經指揮李榮知縣熊貝林叢槐率

兵捕之已卯賊至南洋嶼指揮馮良佐統自兵黃真莫善分爲二哨千戶黃昇等統募兵打手爲一哨南洋三灣諸鄉兵又協助之大破其衆賊奔聚關望港口甲午賊出揭陽蓬州都水沙村焚掠皆爲我兵所敗十二月巳亥賊寇隴外莆都辛丑賊自平和營於赤寮村揭陽棉湖寨丁未新賊自福建雲霄突入黃崗戊申關望賊出掠彩塘甲寅新賊與關望賊合踪出掠甲子棉湖賊突往蘆清官兵連戰皆破之俘斬凡一百八十有奇

三十九年正月官兵會擊關望賊大破之

時賊爲官兵追急移屯潮陽貴山都屯指揮武尚文及鄉兵連戰皆捷賊改營古埕乙酉賊遁往南洋灣典膳秦金與官兵合擊大敗之斬首三百七十賊潰渡河官兵邀之復大捷戊子賊祭江而求誓復南洋灣之仇尚文等官兵又大敗之甲午古埕營賊出掠官兵又敗之二月戊戌賊復回平和沙嶺已酉賊至大滘橋目兵又勝之戊午賊復來掠守備陳學翦兵擊之賊大潰俘獲八百有奇四月僉事齊遇與海道參將會師追之擒斬三百六十殘賊悉遁

四十三年倭寇大犯潮州提督侍郎吳桂芳總兵俞大

猷討平之

自嘉靖壬子以來倭奴內犯浙直諸郡以次及閩廣
潮海之間歲被其患然尚倭至嘉靖癸亥則
老住潮揭海濱眾號一萬甲子春新倭萬餘繼至與
舊合夥屠戮焚掠之餘遠近震駭桂芳新簡來鎮
甫二旬即躬董師東向前後動調狼土勁兵四萬五
千福兵一萬五千以伸威營總兵官俞大猷帥之副
總兵湯克寬參將王詔聞崇文副之僉事徐甫宰監
之相持兩月賊被圍困不得野掠乃復分夥思遁我
兵乘勢擊之一戰於海豐大德港倭斬一千一百二
十七名顆賊奔潰下海又陸續擒斬六百六十二名顆
三名顆賊船開洋者遇颶風三日覆溺殆盡

秋八月海賊吳平攻潮陽神山古埕等鄉陷之

時倭自潮陽解圍遁去為兩廣督撫吳桂芳總兵官
俞大猷所破會海風大作倭多溺水死者至是吳平
乃挾殘倭流劫惠州海豐等處復轉入縣界攻陷神
山古埕諸村殘破福建玄鐘等所勢益熾事聞詔
閩廣兩省會兵剿之吳平退保南澳會閩兵先至總
兵戚繼光都司傅應嘉圍攻之搗其巢穴平得間道
去以小舟奔交趾官軍竟無所得尋有見平於海島
中者繼光死為蛟蟻食者其後平遺孽曾一本等仍

夜肅聚海上為患高雷
等府被荼毒者數年

隆慶三年正月內叛逆把總周雲翔殺將投倭作亂總督

侍郎張瀚行巡撫廣東都御史熊祥督兵討平之

先因倭奴突犯海豐平山之間巡撫親臨惠州調度
分委參將王詔雷瓊參將耿宗元部將周雲翔一營尅期
進戰至則倭奴擁眾拒戰宗元部將周雲翔先退致
賊逐北宗元感其無功欲斬以徇雲翔懼誅是夜鼓
衆二千餘人焚營稱叛襲殺宗元併執留監催通判
潘觀直逼惠城撫院發兵與戰擒斬一百三十餘功
周雲翔乃奔烏相塘投倭時通判潘觀在虜中乃用
間倭夥執首惡廖鳳以獻又戮叛黨四百餘人餘皆
逃散惟留周雲翔曾德又數人而倭患尤未已軍門
乃借調南贛參將蔡汝蘭等官兵三千五百員名前
來協同總兵郭成標兵戰於平山益路礮東洲坑俱
大捷通判潘觀亦得生還周雲翔與其黨曾德又黃
遷皆生致磔于市是役通計擒斬倭主丘古所弁倭
奴從倭共一千三百七十五名顆

六月海賊曾一本伏誅

曾一本者乃廣東潮州人因倭寇之亂招亡納叛聚
黨數萬出入閩廣大肆猖獗攻城掠地殺虜叅將繆

印等直抵五羊焚我舟師經年不能平致屢聖懷
廷議推兵部左侍郎劉燾總督福建兩廣軍務以兵部
員外王倭隨軍贊畫議於南北兩京帑銀內解發
十萬兩以資兵食四月二十一日入境督催廣東巡
撫熊輝福建巡撫塗澤民總兵俞大猷郭成李錫參
將王詔等閩廣尅期相機會剿五月十二日一戰於
銅山勝之六月十二日再戰於支鍾澳又勝之二十
六日再戰於蓮澳大勝之生擒賊首曾一本黨夥數
千悉除是役也蓋兩省夾攻之力然俞大猷建議造
舟於閩身任其事竟以收功其筭多矣

四年正月倭寇廣海衛城陷指揮王禎鎮撫周秉唐百

戶何蘭死之

三年冬十一月倭賊二百餘從西海登陸寇海宴雙
門等村城中有問發奸軍朱衣盧榮黃大孫等因衛
所遇之過當挾怨構藤峒賊立樂開董伍百餘徒與
倭合夥次年正月賊攻城時城中旗軍上梧州班餘
丁單弱初六日寅時朱衣先滅火殺人賊由西南角
入千戶甯紹傑棄城走掌印指揮王禎鎮撫周秉唐
戰敗死之百戶何蘭力戰被重鎗逾日而死倭作城
四十六日殺戮三千餘人官舍房屋焚燒殆盡賊退
肇慶府同知郭文通率狼浙兵追之二兵不和敗沒
文通僅以身免倭滿載東歸擄男女五百餘人時委

新會知縣林會春勘驗招集流亡請糧賑濟瘞枯骨
於西郊死事者俱行恤錄人甚德之請定審紹傑擬
典刑監故王禎周秉唐之後俱照例陞級而何蘭以
當日不在陣亡不錄焉

五年冬倭賊大犯高雷地方提督侍郎殷正茂討平之

廣東倭患往年多於惠潮地方潮惠之民因遭殘破
自衛稍嚴而官府於該路設備頗密故此倭一入徑
向而之西自廣海以至陽電一帶村落盡遭荼毒神
電錦囊相繼被陷化州石城幾亦不免遠近駭動正
茂新奉命至蒼梧甯泮泮旬聞報即董師東奔時羽
書旁午議者謂倭如兇狡黨尤衆非如往年例大
調狼土官兵未易殲珍正茂曰勢已燃眉遠需何濟
况兵貴先聲必須大將親行今宜移緩就急重申賞
罰破之無難遂檄總兵官張元勳量移從化征兵親
董赴援檄僉事李材許孚遠參政江一麟副使陳奎
吳一介參議周鳴瓚各分道督集所在官兵以參將
陳濠晏秋元等將之仍屬僉事李材隨軍監督張元
勳等各斬數十級賊勢披靡零星奔潛或逃入林
菁或出海搶船為偷生計官兵窮其所往凡俘斬一
千零七十五名
名顯倭患平

萬曆二年冬倭犯雙魚所提督侍郎殷正茂討平之

萬曆二年冬

三年海寇林鳳突入廣澳總督侍郎凌雲翼擊走之

自隆慶五年冬海倭犯神電錦囊勦滅之後歲於汛期加謹二三年間海無異航說者謂其或有創懲弗敢復窺矣至是先得廣海香山報警檄總兵該道發兵趣應之至則南遁矣雙魚為臨海孤城援寡兵孱守者見倭驟薄城下惶亂自經人心失恃遂為倭所據督府震怒將總兵等官通令戴罪徂征時總兵張元勳監軍副使趙可懷自新會發嶺西守巡叅政劉志伊僉事石盤自肇慶發叅將梁守愚先發陽江官兵四集重懸賞格將士咸思奮請闔乃三道及文武將吏日夜籌筭謂欲擣賊巢先防奔逸庶不流毒支邑且計各賊海上無船勢必奔陸須設伏儒尚以待乃可收功已而賊果棄城逸出為西奔儒尚計官兵遵方畧敵至伏起遮道夾擊戰於藍水施村所向無前大收克捷共計擒斬首級八百一十二名顆奪回被俘男婦六十一名口器仗馬匹無算其漏刃殘徒竄匿林菁者復令官兵分道爬梳漸滅無遺類嗣是又有倭夷百餘來自外洋由白額港登岸屯聚望夫坪石等山官軍日夜攻圍勢難急下又該三道謀知敵將潰圍而出奪舟下海乃遂以舟為餌各賊果伺隙奔出麻橋乘舟順流東下官兵用大砲邀擊之舟沉倭弱計生擒及斬級共二十六名顆餘黨遁入賜江康洲鷺步嶺者無不取次蕩平

五年倭寇突外洋滅之

林鳳與林道乾皆曾一本餘黨也各擁眾數千瀝劫海上猖獗多年為官兵所逐鳳因奔外洋攻呂宋玳瑁港築城據守且備戰艦謀協番人復圖內逞福建巡撫劉堯誨遣人諭呂宋國王集番兵擊之巢船燒燬賊眾大性至是以從外洋突入廣澳雲翼乃檄總兵張元勳監軍副使趙可懷追勦之與福建總兵胡守仁兵合追至碣石獲賊徒男婦八十餘人復追至淡水洋賊船飄避兵隨擊之焚沉艘二十餘隻鳳走避外夷其後林道乾亦突入南澳期月官兵擊之尋進竄如林鳳云

八年廣海瓊廉倭番入寇總督侍郎劉堯誨討平之

日本薩子馬國賊合黨三百舟二十餘至温州南兜外洋風擊舟壞散奔有倭舟俄帥四十餘人奪白艚突犯大鵬外洋帶管海道副使孫光祖奉督府方畧帥參將胡震督兵追勦至九州洋賊懼棄舟登黃揚山叢林中拒敵各兵奮勇生擒二十三人斬級六顆奪其舟械及被虜者八名

是歲閏四月倭賊自浙閩直犯廣州南頭福永海面下令海道叅政劉經緯督遊擊韓沛追擊于翁厝陶娘烏猪海洋滅之既番賊自大泥國糾結千眾來犯瓊崖聲勢張甚督撫下令叅將顧宗文夏尚中領兵

出海迎擊之母令登陟首破賊于感恩追及于北黎
魚麟洲盡滅之時副使舒大猷叅議王來賢僉事薛
夢雷俱移署海濱監督各將凡斬獲倭番海賊奪回
被擄共四百八十名顆口其餘焚蕩及覆沒者不計

廣東事宜

東路

廣東列郡者十分為三路東路為惠潮二郡與福建
連壤漳泊通番之所必經議者謂潮為嶺東之巨鎮
柘林南澳俱係要區扼吭撫背之防不可一日緩而
靖海海門蓬州大城諸所又皆跬步海濤所賴以近
保三陽遠衛東嶺者也惠州海豐東南濱海其捷勝
平海碣石甲子門皆瞬息生變尤宜加之意焉倘柘
林南澳失守是無潮也平海碣石失守是無惠也舟
師防禦有信地之責者可少懈乎

鐘按南澳當閩廣交界在大海之中有山田數千
畝乃

國初起發居民遺棄之地也嘉隆間倭泊于此互市廣捕
急則奔閩閩捕急則奔廣而海寇許朝光吳平之
徒相繼巢穴於此誠盜賊淵藪也萬曆三年總督
軍門殷福建巡撫劉題設副總兵以彈壓之外以
平奪海寇之巢內以絕接濟之路左以伸閩之臂指
右以固粵之門戶而屯田海利其小者也數年來
漳潮無亡矢遺鏃之費策誠得矣其次則惠潮二
府亦當敵要衝向被倭寇殘擾為甚今惠潮各有
叅戎柘林碣石有備總亦上游之藩蔽也議者謂
惠潮水道延袤千里若海門靖海甲子所之間宜
添設水兵一營遊擊海上與南澳各寨相為犄角
而東路遂可安枕然言之於無事之日則迂矣

中路

嶺南濱海諸郡左為惠潮右為高雷廉而廣州中處
故於此置省其責亦重矣環郡大洋風濤千里皆盜
賊淵藪帆檣上下烏合突來樓船屯哨可容緩乎嘗
考之三四月東南風汛日本諸島入寇多自閩趨廣
柘林為東路第一關鎖使先會其守此則可以遏其
衝而不得泊矣其勢必越於中路之屯門鷄栖佛堂
門冷水角老萬山虎頭門等澳而南頭為甚或泊以
寄潮或據為巢穴乃其所必由者附海有東莞大鵬
戍守之兵使添置往來預為巡哨遇警輒敵則必不
敢以泊此矣其勢必歷峽門望門大小橫瑟山零丁
洋仙女澳九竈山九星洋等處而西而浪白澳為甚

乃番舶等候接濟之所也附海有香山所戍守之兵使添置往來預爲巡哨遇警輒敵則亦不敢以泊此矣其勢必歷崖門寨門海萬斛山碭州等處而西而望峒澳爲甚乃番舶停留避風之門戶也附海有廣海衛新寧海朗所戍守之兵使添置往來預爲巡哨遇警輒敵則又不敢以泊此矣夫其來不得停泊去不得接濟則雖濱海居民且安枕而卧况會城乎

鐘按廣東省會襟江帶海其東出海則由虎頭門而虎頭門之東則爲南頭省會之門戶也其西出海則爲崖門崖門之西則爲廣海衛而香山澳在省會西南夷人住泊于此稱密邇焉異日者倭寇常殘破廣海衛矣海寇曾輩由五虎門揚帆而

來鼓棹而去莫敢誰何無備故也今旣設南頭叅將廣海守備控制于外虎頭門把總防守于內又總鎮標下添設中權二部水軍以備策應由今視昔萬一有不測之變豈遂至束手哉然議者以濠鏡澳終爲腹心之疾或議毀其巢廬或議移之浪白三洲或議設官以治之或議以隣國爲壑而徙之南澳要非根本之論也夫東省之有番船譬人身之有痰火苟元氣完固精神充足則火與痰亦爲血脉運動之資若元神虛耗營衛不周而區區以去病爲務未有不日消而月削也故文德武備圖治者不容缺一

西路

議者曰廣東三路雖並稱險阨今日倭奴衝突莫甚於東路亦莫便於東路而中路次之西路高雷廉又次之西路防守之責可緩也是對日本倭島則然耳三郡逼近占城暹羅滿刺諸番島嶼森列游心注眈防守少懈則變生肘腋滋蔓難圖矣可弗講乎故高州東連肇廣南憑滇渤神電所轄一帶海澳若蓮頭港汾州山兩家灘廣州灣爲本府之南翰兵符重寄不當托之匪人以貽保障之羞也雷州突出海中三面受敵其遂溪湛川澗洲樂民等四十餘隘固爲合衛三道門戶而海安海康黑石清道并徐聞錦囊諸隘所以合防海澳以操縱反側俾不敢梗化焉者可玩惕哉若廉州則尤爲全廣重輕海北扼塞兩有攸寄故兵符特劄於靈山達堡增屯於衛北海寇峒獠外夷之憂視三嶺獨勞焉西南雄郡如瓊爲廉之外戶五指腹心盡爲黎據郡邑封疆無不濱海備倭之制若白沙石瓊館頭文昌海安海康對峙番島飄風突來防禦甚艱近雖駐叅將於崖州責有攸奇而守禦營戍舊額歲久寢弛凡此皆西路今日所當汲汲經畫焉者深念預防俾幕南稽顙重譯來庭非長民若兵者之責乎

鐘按西路要害論之詳矣今之設備視昔又加密焉自嘉靖十九年征黎而有瓊崖叅將之設然猶兼雷廉也至隆慶六年倭亂而始專設雷廉叅將其白鴿白沙二總則設於嘉靖四十五年北津把

總則設於萬曆八年至萬曆十七年珠賊爲患而始有潤洲遊擊之設蓋西路東防倭夷西控諸番外禦交黎內搗珠寇營寨舟師棋置星列可謂備矣議者謂電白一帶向被倭寇殘陷如蹈無人之境倘猶垂涎於此取故道而來則陽電叅將之復似當議也又謂天下形勢皆內中國而外四夷獨瓊崖州郡在外黎岐居中五指腹心永爲左被不無首足倒懸之嘆嗟乎此特設兵彈壓撫馭綏徠或觀釁而動因縣治之用夏變夷則可耳若治平無事欲禽獮而草雉之亦非仁人君子之用心也一廣東濱海諸邑當禁船隻若增城東莞則茶窰十字落香禺則三漕波羅海南海則仰船岡茅滘順德則

黃涌頭香山新會則白水分水紅等處皆盜賊淵藪也每藏集兇徒肆行搶掠珠禁弛則駕大船以盜珠珠禁嚴則駕小艇以行劫交通捕快接濟番舶蠹害最甚爲今之計莫若通行各縣令沿海居民各於其鄉編立船甲長副不拘人數惟視船之多寡依十家牌法循序應當如船二十隻總統於船甲長內以十隻分統於甲副仍於船尾外大書某縣船某甲下某人十字翻刻墨填爲記其甲長副各置簿一扇備載鄉中船數并其樣船隻某項生理一一直書每歲具呈於縣以憑查考如遇劫賊則被害者能識其船速投首於甲長副鳴鑼追究俾遠近皆知無字號者即係爲非許人人俱得拏送舊時沿海居民明知賊盜

懼其反攻而不救今後坐視者罪以通同則船有統紀而行劫之徒忌畏况操舟之時可以按簿呼召給價差用而不致賣放之弊乎

一閩廣商民以販海為業寸板不許下海其禁難矣今開之於收汛之時則商賈之利通禁之於出汛之時則接濟之奸絕且出汛官兵凡遇海上異船便可揚帆追擊而賊船不得假商船以入內地此海防上策也然必閩廣通行使商民明知春汛四閱月以清明前為始冬汛二閱月以霜降前為始惟此二汛海禁不得故違餘時聽其來往則航海者知所趨避而防汛通商兩不相病矣噫常情難與慮始惟在夾斷行之耳

三卷終

籌海重編卷之四

崑山鄭若曾原編
晉江鄧鍾重編

目錄


福建總圖

福建兵防官考

福建倭變紀

福建事宜

福建圖



This page contains several vertical columns of text, which are likely a legend or a list of place names corresponding to the map on the left. The text is written in a traditional Chinese script and is arranged in a grid-like format. The columns are separated by vertical lines, and the text within each column is aligned to the right. The characters are somewhat faded and difficult to read, but they appear to be organized into a structured list or index.

江西贛州界

武平縣

廣東潮州界

福圖二

福建兵防官考

鎮守總兵官

駐劄省城遇汛則往鎮東衛居中調度
各路寨遊俱屬節制

潮漳副總兵

駐劄南澳玄鍾遊兵把總專聽調度又
福營陸兵三百名標下中軍把總管之

南路叅將

駐劄漳州城遇汛則往銅山銅山寨把總專聽調度
又漳州銅山客兵共二營陸鰲土兵一營俱屬管轄

軍門坐營

駐劄省城有客兵一營土兵一營
專聽調度策應

總兵坐營

駐劄省城遇汛則往鎮東
衛有客兵一營專聽調度

北路守備

今議改叅將

本州新設客兵一營駐羅源俱聽調度

中路守備

駐劄興化府遇汛則往平海衛有興化客兵二營泉州客兵一營聽其節制

烽火把總

該寨兵船四十隻民兵六百餘名遇汛貼駕軍兵近千名今議增船一十隻兵一千名其北則界乎浙江浦門其南則界乎連江濠澳福寧州沿海一帶皆其信地全閩之門戶也

小埕把總

該寨船隻兵數大畧與烽火同北與烽火會哨南與南日會哨西洋下目竿塘白犬皆其信地省會之門戶也

南日把總

該寨船隻兵數大畧與烽火同北與小埕會哨南與浯嶼會哨自海壇舊南日平海涸洲一帶皆其信地

浯嶼把總

該寨船隻兵數大畧與烽火同北與南日會哨南與銅山會哨自崇武永寧福全金門中左所沿海一帶皆其信地

銅山把總

該寨船隻兵數大畧與烽火同北與浯嶼會哨南與玄鍾遊兵會哨自鎮海陸鰲銅山沿海一帶皆其信地

玄鍾遊兵把總

該遊兵船四十隻民兵一千六百餘名遇汛畢船隻脩造則兵放班南澳雲蓋寺青澳弁勝澳走馬溪其信地今兵船各議增

海壇遊兵名色把總

該遊兵船二十四隻兵九百餘名專泊海壇信地與南日兵船協守支福州府錢糧

浯銅遊兵名色把總

該遊兵船原十六隻今議增八隻專泊舊浯嶼金門所等處與浯嶼兵船協守支泉州府錢糧

此外有都司行司汀漳守備及延建汀邵陸兵不具載

沿海衛所

福寧衛

大金所

定海所

鎮東衛

梅花所

萬安所

平海衛

莆禧所

永寧衛

崇武所

福全所

金門所

高浦所

中左所

鎮海衛

六鰲所

銅山所

玄鍾所

沿海烽墩

福寧州

沙埕
黃崎
大峰
賴離

白鷺
龍山
三壁
東

南嶺
金家
梅花
小青畫

白岩
南金
烽火
大青畫

水澳
古縣
後澳
崎

漳州府

小莊崎
燈火
蒲頭
泊浦
東灣

許林頭
月港
峯山
灣角
陳平
鹽倉

烏澳
小澳
洪立
古樓
黃崎
南山

大塘
白集
安集
蘇尖
洋尾
洋尾

卓崎
港口
流會
川陵
漸山

福建倭變記

嘉靖二十七年正月海寇許二引倭入寇七月官兵討平

之

先是賊首許二糾番舶聚浙江之雙嶼港大為福興

上命都御使朱統帥三月朱統帥以備

泊溫州之海門把總俞亨統兵船協助之

備海戰以境南海道副使柯喬副統兵船

僉事余曠駐泉州備倭黎秀嚴金門所把

流江各分信地水陸截捕仍嚴保甲之令

奸人○四月張鎧分兵與賊戰於九山之

衝其前○指揮張漢等繼之賊於六月

衝大坦外與者再柯喬遣百戶鄧城御之

擊賊敗走賊首許二派劫北戶羅浮同知

王麟指麾賊首許二派劫北戶羅浮同知

三十四年十一月賊攻鎮東衛城官兵禦之千戶戴洪

高懷德張鑾等死之

賊自蕭田自湖江登犯過頭至海口十三日攻衛
城洪與懷德各率出戰張鑾遇賊於路皆歿於行陣
平海衛手戶楊一茂白仁丘亦戰死
於東岳山夫敗倭衆一茂等亦戰死

三十五年三月備倭劉炳千戶王月與賊戰於石壁嶺

死之賊亦敗遁

福清海口之賊遁至西鄉官兵追之斬其衣紅賊首
一伏賊敗走於山與月率兵欲伏石壁嶺擊之未及
設伏遇賊突至山兵追之或火攻或伏弩賊輒敗走
將尹鳳預遺藥酒於破之賊遂入浙江
人四月及於桐山又破之賊遂入浙江

三十六年三月賊犯省城

賊於舊臘自連江港登陸就據為巢至是復自派江
至小埕水寨遂犯省城沿城焚掠去戰艦二十有
奇又焚燬四十餘艘守備黎鵬舉追擊
之連戰至福寧大金沉其一舟而還

十月賊攻連江縣官兵擊退之賊乃宵遁

先是北交灣原屯倭寇進無所掠乃遁出洋遇賊
遂會綜進攻連江官兵以矢石殪其精悍者四人
日分門四進又擊敗之
乃夜遁如拱澳出洋

三十七年四月賊入安海城官兵追擊大敗之

賊入城居民拒之不得掠僉事盛唐參將黎鵬舉等
分兵逐之賊遁至康店官兵連戰皆捷至水涵賊遁
出海水兵又擊
敗之沉其二舟

陷福清縣

賊犯閩安為參將尹鳳所敗進攻福清據門外
山頭用砲乘高擊壞雉城遂陷居二日而出

攻興化府

賊自福清進攻府城越翼日不退廣兵及鳥銃手殞
其乘馬衣紅賊首一人從賊四十餘各兵出城追之
賊敗走

攻惠安縣

賊自興化為官兵敵退遂至惠安攻城有自水涵潛
入者官兵覺殺之於是連攻五晝夜皆被官兵敵敗

賊死洛陽橋者百餘人乃遁官兵截之於

五月賊攻泉州府

賊復自惠安進犯府城巡按御史樊獻科自督兵敵退之

入南安縣

縣故無城知縣徐光裕統民兵禦之遂被突入時居民已遷避賊無所掠官兵追擊之乃遁晉江海邊據船出海而去

攻崇武所

賊分鯨之新到者攻所城凡五日而後解

突犯惠安知縣林咸與戰死之

賊自崇武分突惠安永寧地方咸率兵與戰陣亡官兵繼至擊敗賊眾賊乃退遁

攻鎮東衛城提督都御史王詢遣兵追擊大敗之

賊三千餘人自松下突入海口澳登陸攻衛城者二日蓋以新至賊千餘合勢來攻城幾不守時閩中商

北海洋皆賊惟此賊獨劇且逼近會城陸走合鯨勢益滋蔓王公乃多方集兵設伏據險剪其零黨伺情合攻仍密令水兵布於海外賊勢窮促乃遁出洋水兵乘勝逐之沉二十餘艘斬首四百餘級

賊首洪澤珍引倭入寇

澤珍故通番逆賊積年啓釁引倭內侵至是復引倭泊舊浯嶼盤據為巢

三十八年三月賊攻福寧州不克遂陷福安縣

賊攻州城者凡五晝夜分守叅議顧那督兵固守賊計無所施乃退往福安適霖雨城崩知縣李尚德恐難堅守督兵出城迎擊賊屯城北山上窺見守架兵火遂分踪擁入

四月參將黎鵬舉大敗倭賊於屏風嶼海洋

鵬舉與指揮盧振臣攻賊於屏風嶼鎮下門及三沙海洋沉其四舟擒斬一百五十有奇燒溺者無算時賊乘汛突至未得登劫我兵邀擊外洋擒斬頗多賊皆望風遁去

五月賊首嚴山老等遁出海洋參將王麟等追擊大敗之

山老連年引倭入寇分踪四掠麟等兵船按伏海上
賊由祥芝石湖南濤出海者都指揮唐修澄追敗之于大炸島近
自峯頭澳出塘者參將尹鳳備倭張僑追敗之于野馬外
洋自閩安洪塘出者參將尹鳳備倭張僑追敗之于野馬外
梅花外洋山老就擒賊舟沉者七十八艘死者
數千人而洪澤珍之徒亦自燬其巢遁去

十二月官兵會擊上逕之賊大敗之

先是賊徒四千餘人自海壇山登犯副使張情參將
曾清督兵剿逐屢摧其鋒賊乃移屯上逕蔓延日久
提督都御史王公詢巡按御史樊公獻科令僉事萬
民英參將王麟把總朱先等期朔旦搗巢至期官兵
夾擊之賊遂大敗死者八百餘人朱先今福建總兵
餘人燬其巢死者復千餘人

三十九年三月賊攻平和縣

賊首蕭雪峯張璉等引倭千餘自大埔及三饒
嶺來攻縣城官兵出城夾擊之賊遂退屯承坑

攻大金所

五月月港之賊敗遁出海官兵追擊大敗之

先是賊巢月港官兵於泉州海倉白石鎮海野馬井
尾等處擊之皆勝至是遁出海洋參將王麟追及於

古浪東碎鎮海山把總劉一桂追及於刺嶼尾五皆
勝之沉其舟數十斬獲數百賊首徐老許西池王老
及日本頭目皆就擒所部
三千餘徒悉溺水無遺

七月賊自廣東來寇官兵擊敗之賊復入廣

廣東謝賊等突入走馬溪勢極猖獗把總徐濂沉其
數艘賊大敗遁去官兵乘勝追至廣東南澳外洋而回

八月賊入安溪縣

四十年正月安溪倭賊流犯長泰同安等縣官兵追擊

大敗之

賊自安溪為官兵所敗遁至長泰典史葉露百戶金
環敗之乃往同安復為鄉兵所襲奔富石菌海濱

五月賊攻寧化縣

賊來攻城知縣
陳添祥擊敗之

攻詔安縣

先是賊首陳思達等潛入城內主奸民林勳家為內
應外合之計知縣龔有成防詰頗嚴賊計不得施乃

內殺出思達就擒而動等為
內應者凡數十家至是皆敗

閏五月賊復攻寧化縣

時賊又在縣近郊時來攻城官兵擊敗之遂偽為遁
計知縣陳添祥謹防其至賊果分布四門一時突擊
又為雲車一乘覆以牛革屢以打手二佛朗機砲擊而
賊之在雲車者來愈力乃出打手二百人擊之賊乃
走敗

四十一年賊陷鎮海永安二衛崇武福全等所

閩連倭亂以來民不聊生山海之寇蝟集峰起凡漳
泉濱海濱所悉遭殘破是時倭猶下來乍去而從倭
者則一嘯聚而勢不復返也賴在漳則參將楊震專
事斬艾以威之在泉則參將蔡鵬舉指揮歐陽深且
剿且撫以散之半載間醜類蕩平然
倭奴未遭大創也故復有與化之禍

冬十一月賊陷興化府次年春陷平海衛

興化之陷起於武備久弛民俗競奢有誨盜之風遂
使島夷垂涎戊午年倭寇攻之不克至壬戌年十一
月攻之守三旬士民晝夜乘障城外西北隅山高賊
俯視盡知虛實郡中居民舊飲水於河從木蘭坡壑

四十二年春三月戰于崎頭都指揮歐陽深等死之

流而進也賊決木蘭坡城中大渴食玉薪桂疫癘大
行總兵劉顯來援衣甲俱綴天兵字屯駐江口以兵
少不敢進二十八日遣帳下兵八人取賊衣之衣不
文于翁分守時器不意賊殺前兵取賊衣之衣不
而于翁不悟是夜八人者斬關延敵賊擁衆入人
之覺少頃聞喧呼散起視則戈鋌塞路死者相枕籍
矣遂燒焚公署民居火經旬不滅子不王帛搜掠殆
盡復連歡宴歷六十餘日以城中腥穢不堪地一且
陸沉豈不慘哉蓋其先亦有天兵殺人之夢兆云

歐陽深泉州人少游鄉校後納粟授指揮僉事子歐
陽漢已未進士深為數往來倭國習夷語大術號謝
有惡少謝愛夫者數往來倭國習夷語大術號謝
番結二少謝愛夫者數往來倭國習夷語大術號謝
求贖之先墳亦在掘中於是集家丁募壯士數百
人往攻之泉藉以安興化城陷巡撫游震得檄深領
不兵者泉藉以安興化城陷巡撫游震得檄深領
番破崎頭平瀨溪而以西鄉兵隸之撫游震得檄深
蘇塘半番兵追之敵深策馬先士卒殊死戰中架
歐陽深之謂矣是時有鞠躬盡瘁而死事者原任副

總兵鄧城有驛馬厲劍而死事者
泉州衛鎮撫白良玉例并得書事
陽深准世襲署指揮同知
良玉准襲署指揮同知

四十二年夏四月都御史譚綸督總兵俞大猷戚繼光
劉顯等討賊于平海崎頭滅之

先是閩中倭寇猖獗道兵馬劉顯先請以總兵俞大猷

天子

震怒罷將震得回籍聽勅用譚綸為巡撫而以戚繼
光為總兵俞大猷將二萬餘人分道討賊
化掾平海矣巡按李邦珣疏聞
戰比俞大猷至則賊已先破興
歎劉顯控制江閩數道兵馬劉顯先請以總兵俞大猷
得由海脫遁劉總兵督兵一萬由北而西而東堂
正正一萬鼓山南而上賊總兵督兵一萬由北而西而東堂
於正一萬鼓山南而上賊總兵督兵一萬由北而西而東堂
高壘賊水陸無所營於秀山營兵結營於明山海濶
歸也四月十九日賊繼光領所兵一萬至是夜四鼓
躍走者盡而戚所將乃素練之兵俞劉所募乃烏合
力居多然而戚所將乃素練之兵俞劉所募乃烏合

四十二年冬十二月倭攻仙遊縣總兵戚繼光討平之

是年十一月倭寇百餘艘乘汛登泊直趨仙邑薄城
下環結巢壘戚繼光帥師來援軍下沙園去倭壘二
十里許度寇眾且銳日帥師來援軍下沙園去倭壘二
餘人入城以助守禦仍分兵諸路遇賊衝門肆剽
寇急連日攻城內藏兵械危梯于車前運至四門晝夜
寇造呂公車內藏兵械危梯于車前運至四門晝夜
悉力以攻勢益迫十二月二十六日初出車已臨
壕去城僅咫尺城中人恐慄不可支頃焉望見大帥
如雲從東南二路並集雷轟電發直搗寇壘呼曰
戚虎來矣倉皇奔竄師從之斬獲首級無算收還所
擄男女三千餘人戚遂登城城中老釋咸舉手加額
曰不圖今日復生也爭率牛酒犒師翌日下泉南追
剿諸逸寇所向皆捷甲子春二月班師閩中
從此安枕矣戚權陷廓清之力豈可忘哉

鄭若曾曰倭寇之患自福建始乃內地奸民勾引之也

其時為嘉靖二十五年禍尚隱而未彰微而未大都

御史朱純用海道副使柯喬議欲以海滄月港等澳

者民充捕盜撲之備倭都指揮黎秀獨謂不然上議於巡按御史金豪曰日本倭夷先年內犯

朝廷屢下備倭之

詔及委重臣以督海防是以海洋又安今承平日久軍民趨利忘害而各處輕生之徒攘臂向前私通貿易向嘗緝絕今復啟釁若不預行究治恐禍患日深卒難禁制也既而復上議曰近署安邊館事諗知違禁通番大船之詳其船皆造於外島而泊於外澳或開駕以通番或轉售於賊黨而嵩嶼漸尾長嶼海滄石馬許林白石等澳乃海賊之淵藪也本職欲行禁治恐澳中勢要抗拒不服及速其禍乞行府縣巡捕官親詣各澳密行擒治船隻應燒燬者燒燬應留用者留

用庶頑民知警且通番之風少息矣議上秀遂大為譴泉者民捕盜死心謗致劾免官後十餘年倭患大熾沿海數千里生靈靡不荼毒人始服黎遠覽而惜其寬抑向使早用其言胡以有是今論者但知紀錄戰功而曲突徙薪謾不之及不能無感故志之

福建事宜
題設寨遊

八閩之地西北阻山東南濱海倭奴為患自古已然
 故在洪武拾玖年則以江夏侯周德興正統玖年則
 以侍郎焦宏景泰二年則以尚書薛希璉經畧海上
 自福寧南下以達漳泉置衛凡十一置所凡十四置
 巡司凡十有五控之於陸又置水寨防之於海初惟
 烽火南日浯嶼三寨景泰年增而為五時則戰艦如
 雲旌旗相望且哨守皆衛所之軍有同無供億之費
 外威內固有自來矣法久人玩武備漸弛倭患突登
 舊制盡失加以內地奸民勾引接濟南澳走馬溪舊
 浯嶼南日等要害俱為番舶所據於是廣募民艦旋

設舟師五寨之外又分守十有六澳力分勢寡所在
莫支至嘉靖四十二年軍門譚綸題設五寨欽依
把總以舊設烽火南日浯嶼三船為正兵增設小埕
銅山二寨為奇兵而又為之分信地明斥堠嚴會哨
賊寡則自為戰賊衆則合力併攻以抗拒外洋海防
爛然一新而南澳屬閩廣之交海寇往往煽害萬曆
三年軍門劉堯誨會同兩廣軍門題設南澳副總
兵玄鍾遊兵把總盜賊之淵數既據而氛祲漸消矣
其設浯銅海壇二遊總則自隆慶年也夫計全閩海
道不過二千里之程耳五寨三遊聯絡犄角誠不為
踈然向者五寨兵船各四十隻兵二千二百餘名今
節次裁減船數雖存大改為小兵僅存其三分之一

又大半貼駕軍兵人無固志官難約束望其乘風破
浪截鯨鯢於海外不亦難哉倘欲禦大夥倭寇非復
譚軍門兵制之舊不可也

寨遊要害

福建五寨三遊鱗次海外舟師錯落扼險據隘比之
他省防禦似加密焉論要害則烽火之臺山小埕之
東湧海壇東庠南日烏坵浯銅彭湖玄鍾彭山皆倭
寇必經之地但其地有可哨而不可守者有可寄泊
而不可久泊者其最險要而紆迴則莫如彭湖蓋其
山周遭數百里隘口不得方舟內澳可容千艘往時
居民恃險為不軌乃徙而虛其地今不可以民實之
明矣然則分兵以守之可乎曰不可也分兵者於法

爲弱遠輸者於法爲貧且絕島孤懸混茫萬頃輸不
及而援後時是委軍以予敵也然則南澳何爲而守
也曰不同也南澳雖在大海之中與內地僅隔一水
商舶海賈往來必經吾漳泉糧食仰給海運若南灣
失守是隔閩粵之肩臂而塞漳泉之咽喉也澎湖去
內地也遠風順尚有日半之程惟漁舟出沒耳販海
之舟不必經也故澎湖譬之石田棄之可也然使倭
寇結鯨而來則澎湖其巢穴矣又將何如曰脩內地
之防嚴接濟之禁而後相機以撲滅之耳

海禁

漳泉負海之民舊有商夷爲業自

先朝過禁遂致勾倭釀成禍府至萬曆初年巡撫龐尚鵬

計開海禁准其納餉過洋既裕足食之計實寓弭盜之術
蓋市禁則商轉而爲寇市通則寇轉而爲商理固然
也惟私販日本一節百法難防不如因其勢而利導
之弛其禁而重其稅又嚴其勾引之罪譏其違禁之
物如此則賦歸于

國

何所利而爲之哉然日本欲求貢市斷不可許
何也過洋自我而往貢市自彼而來自彼而來則必
有不測之變自我而往則操縱在我而彼且資中國
之利二者回大不侔也若海禁愈嚴則獲利愈厚而
奸民愈趨之矣嗟乎利乃亂之因也

一八閩多山少田又無水港民本艱食自非肩挑步擔
踰山度嶺則雖斗石之儲亦不可得福興泉漳四郡

皆濱於海海船運米可以仰給在南則資於廣而惠潮之米爲多在北則資於浙而温州之米爲多玄鍾向專造運船販米至福行糶利常三倍每至輒幾十艘福民便之廣浙之人亦大利焉兵興山嶺戒嚴擔負既難而募調之費又衆大戶所積莫肯輕糶海運又厲禁焉民食兵餉如之何而不匱也故經畧福建之策莫先於處糶糧糶糧若缺則五澳之兵雖設譬之衣冠之人外貌可觀而五內腐裂四肢痿痺未有不喪亡者今日足食之計有二其一須申明

祖宗之意止嚴雙桅船隻私通番貨以啓邊釁所謂寸板不許下海者乃下大洋入倭境也非絕民採捕於內海販糶于隣省也嚴其保甲令民沿海運糶則廣浙

有無相通而福民不患于無食矣其二官府提編銀兩輸解督府春夏給爲兵糧時價方貴有銀無米兵甚苦之不如令有司以銀秋糶賤米則米數多春而隨兵所至就以爲餉官與兵不兩利乎兵餉既備民食亦充豈惟倭夷不能爲福建患將使福民之勾引接濟與倭爲黨者永不敢矣

一往年倭寇擁衆而來動以千萬計非能自至也由福建內地奸人接濟之也濟以米水然後敢久延濟以貨物然後敢貿易濟以嚮道然後敢深入海洋之有接濟猶北陲之有奸細也奸細除而後北虜可驅接濟嚴而後倭夷可靖所以稽察之者其在沿海寨司之官乎稽察之說有二其一曰稽其船式蓋

國朝明禁寸板不許下海法固嚴矣然濱海之民以海爲生採捕魚蝦有不得禁者要之雙桅重底始可通番各官司於採捕之船定以平底單桅別以計號違者毀之照例問擬則船有定式而接濟無所施矣其二曰稽其裝載蓋有船雖小亦分載出海合之以通番者各官司嚴加盤詰如果是採捕之船則計其合帶米水之外有無違禁器物乎其回也魚蝦之外有無販載香貨乎有之即照例問擬則載有定限而接濟無所容矣此須海道官嚴行設法如某寨責成某官某地責成某哨某處定以某號某澳束以某甲而又嚴保甲連坐之法申汛期販海之禁如此而謂通番之不可除未之信也

鎮撫鄭以忠曰杜接濟在乎嚴保甲重賞格而責之海防官夫接濟之船非可以朝具而夕發也聚貨累糧動經旬月同井之人非不知也所不舉者是連坐之不嚴而賞格之未重也必於五六月南風盛發之候海防官多置耳目於沿海出船之地着實體探重懸賞格但獲通倭接濟之船盡船貨賞其所獲之人官府一無所問其接濟者俱照近例重處家申知而不舉連坐夫用法有經權用於無事之時則宜寬用於有事之日則宜嚴要在使人難犯也

遊擊王有麟曰論閩事者往往以復江夏侯舊寨爲說又有言其不當復者不知今之寨遊雖設在舊寨之內而其哨守常在舊寨之外其言當復與不必復者

皆剿紙上之談而未親歷海上者也

閩人問於鐘曰倭情見矣今之倭視昔何若曰昔之倭倭之部落也其來無幾今稱關白者倭之首長也其衆難計殆甚也今之民情視昔何若曰昔之民情病在怯敵今之民情病在徂敵夫倭情不同不過厚爲之備耳至於民情不同則其故難言已自嘉靖末奸民誘倭入犯時承平日久民不知兵視倭如鬼神虎豹不可嚮邇一倭持刃數十百人豕奔瓦解無敢誰何及久而習見則知其技止此耳乃一二名將遂收功蕩平間有餘黨伏窟窮餓於山谷間樵夫豎子皆得誘而擒之今猶耳濡目染知倭之莫能爲毒也然天下貧者多而富者少善人少而不善人多彼貧者視富家之家幸則曰倭來若等我耳又或爲勢家所拂鬱則曰倭來若無噍類矣至游手無賴之徒則曰倭來吾且因之以爲利而其不可言者無論也嗟夫此豈可聞於敵哉故曰昔之患在怯今之患在徂患怯者在倭患徂者在吾民也然則如之何曰以閩中論之但當禦倭於海則變無從生若一入內地其禍蔓延矣以天下論之惟當禦倭於朝鮮使片帆不渡若一犯中國則未易救藥矣乃若撫馭人心則有主者

籌海重編卷之四終

籌海重編卷之五

目錄

浙江總圖


浙江兵防官考

浙江倭變紀

浙江事宜

崑山鄭若曾原編
晉江鄧鐘重編

浙江圖



目錄

浙江圖

浙江府志

浙江通志

浙江縣志

浙江通志

浙江府志

浙江縣志

浙江通志

浙江府志

浙江縣志

浙江通志

浙江府志

浙江縣志

浙江通志





浙圖二

浙江兵防官考

鎮守總兵官

駐劄省城汛期出駐定海不時親歷海上各路將領俱屬節制新設坐營官一員統領標兵哨船

杭嘉湖參將

駐劄海寧衛海寧把總專屬調度浙西沿海一帶自驚子門起至金山衛止延袤五百餘里皆其信地實省城之喉舌嘉湖之藩籬也

寧紹參將

駐劄舟山臨觀定海昌國俱屬調度寧紹地方西自三江東至龍山延袤三百餘里皆其信地

台金嚴參將

駐劄海門衛松海把總專屬調度台州沿海一帶南自溫州蒲岐北抵寧波昌國延袤五百餘里皆其信地

溫處參將

駐劄盤石衛金盤把總專屬調度溫州地方與閩接界延袤四百餘里黃華飛雲江口三港皆為要衝

海寧把總

海寧衛設一備倭總其分守杭嘉湖參將所轄即此
總之地北出哨金山洋山與直隸兵船相會南出
許山衢山與臨觀烈
港定海北哨俱相會

臨觀把總

臨山觀海二衛設一備倭總其分守寧紹參將所轄
即此總之地東與定海兵船會哨西與浙西兵船會哨

定海把總

管轄定海衛并在外後所鄞甯大嵩中中左五所
北自管界巡司起南至湖頭止及外海舟山皆其信地

昌國把總

管轄昌國衛并在外前後錢爵四所及遊仙
寨北自湖頭南至石浦馮家山止皆其信地

松海把總

松門海門二衛設一備倭總其分守台金嚴參將所
轄即此總之地東與寧波昌國石浦港兵船交會南
與金盤兵
船交會

金盤把總

金鄉盤石二衛設把總一員其分守溫處參將所轄
即此總之地北至楚門交界與台州松門兵船會
哨南至福建交界與
烽火門兵船會哨

此外有軍門坐營左遊擊右遊擊二都司總兵坐營衢
州總捕守備陸路官兵不具載

沿海衛所

海寧衛

乍浦所

澉浦所

直隸都司

海寧所

紹興衛

三江所

臨山衛

瀝海所

三山所

觀海衛

龍山所

定海衛

舟山中中中左二所

穿山後所

霸衢所

大嵩所

昌國衛

錢倉所

爵溪所

石浦前後二所

海門衛

桃渚所

健跳所

海門前所

新河所

松門衛

隘頑所

楚門所

盤石衛

蒲岐所

盤石後所

寧村所

溫州衛

海安所

瑞安所

平陽所

金鄉衛

沙園所

蒲門壯士所

沿海關臺寨烽埃

乍浦所

寨十一

臺三

烽埃

海寧衛

寨三

臺四

烽埃

澈浦所

寨五

臺一

烽埃

獨樹林

長沙灣

西陽山

陽山總

益山嘴

東山嘴

高公山

觀山

梁庄大

蒲山西

聖妃宮

長沙灣

陳山

惹山

藍田大

北舖

三間

麥生陘

北臺

梁庄舊

金家灣

唐家灣

朱公亭

南臺

海口

秦柱山

藍田

東鹽團

南門總

東中臺

梁庄外

唐家灣

混水閘

西嘴

葫蘆灣

清山

西山

牆山

廟山

西山

廟山

海寧所

寨三

烽堠

黃灣
褚山總

石塾山

石塾山

潘家浦
松林

三江所

寨一

發風岱

臺一

蒙池山

烽堠

杭塢山
宋家樓

烏峯山
周家塾

馬鞍山
桑盆

瀝海所

烽堠

榿樹池
胡家池

西海塘

臨山衛

烽堠

榿浦
烏盆

荷花池
廟山

下蓋山
羅家山

趙港
泗門

三山所

烽堠

徐家路
椽嶼

瀝山
蔡山

眉山
吳山

澣山

觀海所

烽堠

西隴尾
新浦

向頭
古窰

瓜誓

龍山所

臺一

龍山

烽堠

施公山
道塘

龍尾
清溪

龍頭

定海衛

關一

定海

寨一

江北

烽堠

高山
竺山

鸕鷀
張師浦

汪家路
打鼓山

招寶山
大尖岡

大漁灣
長山
小山

舟山所

寨三

西礮門
沈家門
青雷頭

千礮

臺一

烽埃

外湖
西山
袁家樓
程家樓
赤石
包家

鹿頸
侯磯

螺峯
奇巖

蒲沙
即家礮

穿山後所

烽埃

礮頭
嵩子

所後
巖山

銅蓋
撩蝦

西山
白峯

黃崎

霏霽所

臺一

烽埃

盛巖
蝦麻

高山
梅山

觀山

大嵩所

烽埃

大干
尖崎

崑亭
港口

黃岩
橫山

慈巖
蔡家

怡真

錢倉所

烽埃

青雷
前山

東門嶺
塗次

蒲門嶺
杉木

中堡樓

壽谿所

烽埃

公巖
屏風

半嶺
王泉

趙巖
外嶺

沙頭

昌國衛

寨三

烽埃

遊仙
南堡
赤坎
何家礮
崎頭
卞澳

黃沙
後山

嵩巖
烏石

仁義
前山

石浦前後所

關一

石浦關

烽堠 後山 王灣 前山 松嶽 大金 山 寶 粵

健跳所

臺一 高鸞

烽堠 馮家 大魚西 茅頭 小魚西 後沙 折頭 爬字頭 長跳

桃渚所

臺一 桃渚

烽堠 望火樓 石柱 大荆山 中舊城 獅子山 洞井 停與

海門衛

臺二 東中 中鎮

烽堠 輕盈 長沙 外水

新河所

烽堠 楊嶼 蒼峯 泥嶼 新塲 淨應 烏沙

松門衛

臺一 小高

烽堠 南寨 甘嶼 盤馬 車路 松門 沙角 鳥沙 雀梅

隘頑所

烽堠 長沙 後灣 白岩 靈門 峽門 曾蓬 江綰 長山 驪頭

楚門所

寨一 楚門

烽堠 漁井 馬鞍山 洋坑 塔山 泥湖 楚梅 嶼 西門

蒲岐所

清港 苔山 小青山 東門 大青山

臺一 下堡

烽堠 東山 下頭山 南浦 後塘 前塘 鐸嶽 高高 樓澳

盤石衛 白沙灣

臺二 黃華 岐頭 平山 嶺山 雙峯

烽堠 章澳 沙角 三嶼 日團

池澳 洋田

寧村所 沙溝 龍灣 長沙 前岡

寨五 沙村 楊頭 龍灣 長沙

臺一 龍灣 石浦 沙溝 沙村

烽堠 九甲 七甲 長沙

海安所 丁田 東山 田寨

寨四 上塢 東山

臺一 白塔山 店下

烽堠 鮑田 錢家埠

沙園所 斗門 眉石北 眉石南

寨五 仙口 江口

臺一 眉頭 宋埠 烽火

烽堠 冷水 仙口

平陽所 江義 收路 廟背

寨四 嶺門 蔡家山

臺一 福泉 平嶺

金鄉衛 峯瑞

寨九 肥鰲 大魚埕 炎亭 小魚埕 石坪 大獲 大魯 小獲 石塘

烽堠

半塘 肥塘 東山

尖山 鳳凰山 畢灣 蒙灣

白崎 貓頭 嶺門 蘭頭

馬跡 奠山 東崗

浦門壯士所

臺二

高陽 水竺

烽堠

雷魯 縣中

尖山 四表

時家 南堡

浙江倭變紀

洪武二年倭犯温州

中界山 永嘉 玉環 諸處皆被剽掠

六年掠海濱

七年靖海侯吳禎敗倭於琉球洋

倭擾海邊 禎遣舟師追逐之 及於琉球洋中 斬獲甚衆 悉送京師

十六年寇金鄉小渡真官兵敵却之

二十六年寇小尖亭

二十七年寇小尖亭

三十四年九月寇蒲岐所

永樂二年四月寇穿山百戶馬興與戰死之

日本國王源道義知之 出師獲其渠魁 來獻 黨類悉就擒

朝廷嘉其勤誠降勅褒諭。餘詳見出使事畧卷中。

二十年寇浙東朱亮祖徐忠擊敗之

亮祖破之於温州忠破之於桃渚斬獲獻俘由是賊始知戢歛云

二十二年寇象山縣縣丞宋真教諭蔡海死之

真持竿擊賊海罵賊不屈皆被害

正統四年陷大嵩所昌國衛

賊舟四十餘夜入大嵩港襲破所城轉寇昌國衛城亦陷備倭等官以失機被刑者三十六人惟晉溪所以獲賊首畢善慶得免

八年六月寇海寧乍浦諸處十月寇壯士所

景泰六年寇健跳所

成化二年寇陷大嵩所

賊偽稱入貢官軍不為嚴備遂襲破大嵩官兵夜圍其舟檣燈達曙不移舟已乘潮遁去燈皆懸於嵩端

高草沙上蓋設詐以款追兵也臺閩大臣以失機獲罪

嘉靖十九年賊首李光頭許棟引倭聚雙嶼港為巢

光頭者福人李七許棟歙人許二也皆以罪繫福建獄逸入海勾引倭奴結巢於霽霽之雙嶼港其黨有王直徐惟學葉宗滿謝和方廷助等出沒諸番分踪剽掠而海上始多事矣

二十七年四月都御史朱統遣都指揮盧鏜副使魏一

恭等搗雙嶼港賊巢平之賊首李光頭就擒

時海壖多警軍無紀律浙福二省互相抵牾賊得肆志議者請設巡視都御史以節制之

上命朱統行公至即行二省守巡諸官各分信地或戰或

守皆有專責而以福建都指揮盧鏜許海上事即以委之鏜乃與海道副使魏一恭備倭指揮劉恩至張

四維張漢等部署兵船集港口挑之賊初堅壁不動迨夜風雨昏黑海霧迷目賊乃逸巢而出官兵奮勇

夾攻大窩主顧良玉祝良貴劉奇十四等皆就擒鏜入

港燬賊所建天妃宮及營房戰艦賊巢自此蕩平餘黨遁往福建之浯嶼鏜等復大敗之翼日賊船有泊南鹿山女兒礁洞門青島者知巢窟已破無所歸去

之下入
山潛泊

五月官兵築雙嶼港

朱都御史初欲於雙嶼立營戍守為一勞永逸之計而平時以海為生之徒邪議蠱起搖惑人心沮喪士氣福兵亦稱不便朱公嘆曰濟大事以人心為本論地利以人和為先不得已從眾議聚木石築寨港口由是賊舟不得復入而二十年盜賊淵藪之區至是始空矣時二十五年也

六月賊首許棟就擒

二十日金鄉衛指揮吳川追攻於近山海洋賊船為我所迫又遇暗礁舟覆所遺纜二人棟與其弟社武官兵擒之積年巨寇一旦生俘之蓋天意假手云王直徐惟學毛烈收其餘黨復肆猖獗廣東賊首陳思盼自為一鯨與直弗協直用計掩殺之由是海上之寇非受直節制者不得自存而直之名始振警海船矣直以殺思盼為功叩關獻捷求通互市官司弗許

三十一年王直移巢烈港

直既破陳思盼求市不得乃引倭夷突入定海關官兵却之遂移泊金塘之烈港亡命之徒日益附之由

是邊海郡邑無處無賊矣

四月攻遊仙寨百戶秦彪戰死

彪蔚溪所人賊查赤坎攻遊仙寨甚急彪曰遊仙與蔚溪唇齒無遊仙是無爵谿也先人遺我汗馬勲不死戰而死怯何以見於地下乎乃與弟漢疾馳赴關力不能支遂俱死焉

五月攻瑞安縣百戶李潮高良戰死

初十日賊自江口登犯嶺門岐頭等處入坡南滙至瞭高山下潮等與戰死之遂乘勝攻縣城把總夏光知縣劉幾率官兵擊却之賊乃退泊東山港

陷黃巖縣

二十八日福清賊首鄧文俊等率倭夷二千直入縣中焚燬縣治居七日而出時縣無城而賊乘潮猝至

陷故

六月賊攻霽霽所指揮樊懋力戰死之

二十日賊以破黃岩得利復攻所城二十日夜半乘雷雨先以草人用竹揭試幾入城懋急督兵力戰死

之時守禦指揮魏英督兵夜戰至天明賊從北門而出

十一月參將湯克寬追擊賊於下馬洋大敗之擒賊首

鄧文俊等

十二日克寬統兵追黃華賊與戰於下馬海洋越三日復戰遂擒文俊

三十二年閏三月官兵追擣烈港賊巢王直敗走

烈港地形曲折賊負固盤據卒難進勦都御史王忬躬至温州閱圖審形謂兵船雖多難以直騁乃令參將俞大猷湯克寬分爲二哨部署既定大猷由列表門進以當其前克寬由西後門進以防其逸謂賊一出則一哨可以追勦不動亦可以全制至是大猷募熟諳山脈徑路之人侯得等潛入賊營則以十一日舉火爲號而自移營木柵拒賊巢止隔一山分遣把總張四維屯龍山黎秀屯霏霽遙爲聲援夜四鼓侯得等縱火賊營烟燄蔽天官兵乘之賊驚奔舟死者無算乃大敗走直率精銳潰圍而走泊馬蹟潭軍門以大猷并兵獨進雖破賊巢而違我節制使賊得逸深責之

四月賊攻海鹽縣海寧把總馬呈圖等與戰死之

初四日賊自太倉上海而來攻縣城二日始解去初六日賊至海寧衛馬呈圖督官兵禦之弗勝遂與衛揮采煉百戶王相姜揖呂鳳姚岑皆歿于行陣既而把總王應麟率兵追逐之與戰于海口巡司大勝之賊以伏兵衛我師我師遂潰千戶王繼隆百戶楊臣康殺亦死焉

參將湯克寬破賊於驚子門

初九日犯平湖官兵追之連戰皆敗蔡指揮等死焉王公命克寬往勦之及於驚子門大破之俘斬二百六十有奇

賊薄省城指揮吳懋宣率僧兵禦之於赭山敗績

懋宣以僧兵爲可恃欲藉以立功竟失陷而歿

賊攻松門衛把總劉恩至追擊於舟山岑港大敗之

賊初至勢甚猖獗攻衛城弗克而去蓋依王直爲窩者也

陷昌國衛百戶陳表死之

倭賊入城表曰吾力無如之何有死而已但所攝印多吾死置印何地遂送母出城納印於千戶金鰲出

門追賊奮
鬪而死

賊犯定海官兵擊敗之

賊皆鷄鳴山人沿海為患十二日
都司劉恩至破之於蘆花港口

官兵進勦馬蹟潭王直敗之

十四日湯克寬等兵船進搗賊巢大敗之因砲聲驚
起蟄龍官兵覆溺者甚眾直遂走直隸地方俞大猷
又追敗之所
存僅百餘人

陷臨山所叅將俞大猷等追擊大敗之

廿四日大猷與都指揮
劉恩至俘斬二百有奇

五月賊破乍浦所百戶陳綬指揮陳善道死之

賊自金山而來城破綬死之善道從湯克寬率兵
來援與賊戰於長沙灣與冠帶哨旗張儒皆死之

攻新河所

時兩浙之賊充斥郊野所過殘破村落為墟而乍浦
以東達於直隸之柘林二百里之地皆為賊巢矣湯

克寬兵勝於蓮花洋俘斬雖多而賊猶不知戒云

七月賊攻台州寧海縣

初四日攻城
初七日而解

八月把總鄧城等擊賊於普陀山洋敗之

先是賊首蕭顯屯直隸之崇明南沙修船為遁歸計
都御史王忬計其勢必流入浙境預令都指揮劉恩
至把總鄧城指揮張四維等分為二哨一自觀海臨
山趨乍浦遇賊來路一自長途沈家門設伏邀擊賊
果南遁官兵與遇於普陀險為巢掘塹自衛參將俞
皆勝之零賊敗登普陀險為巢掘塹自衛參將俞
大猷督官兵進攻之二十一日夜自石牛港進張疑
整聚而不與交戰潛遣守兵由西北巡檢舉直入把
總鄧城陷陣先登武舉火斌黎俊民繼之賊遂敗走
茶山絕頂翼日鄧城由東北淺步沙進火斌由鸚哥
岩進黎俊民由中路進劉恩至等統
大兵居其後四面齊進俘賊無遺

十二月賊攻瀝海所千戶張應奎百戶王守正張永死

之

三十三年三月都指揮劉恩至等敗賊於三岳山

賊至三岳山恩至與指揮張四維督舟師進攻勝之尋與指揮潘亨會兵再戰入勝之賊乃由赭山遁去歷曹娥三江瀝海餘姚直走定海之王家團

賊首蕭顯流突海鹽官兵追擊大敗之於二十里亭追至慈谿平之

顯叛結倭夷連舢入寇首犯直隸之上海盤據南沙劫邑攻城號稱劇寇自松江敗劔遂率精悍數百遵海而南王公命官兵設伏於要路賊至二十里亭復大敗走顯復統百餘烏鏡南奔官兵乘之逐於三江判于龍山圍于定海困于慈谿分道夾攻賊遂就滅

賊據普陀山分踪流劫內地叅將盧鏜邀擊於石墩洋破之

先是賊入寇歸樓普陀為息肩之地官兵守之既決旬將搗其巢先一日遣謀規之傍無一舟至是四合鼓噪而前值他島賊自彼來精悍異常遂合攻官兵官兵腹背受敵輒敗劫亡者什六因罷歸賊以先

得貨滿新舟令其半先歸而留島梟悍者入掠由是海鹽龍王塘乍浦長沙灣嘉興嘉善皆被其害而石墩洋之捷僅斬馘二百餘級云

五月叅將盧鏜追擊石墩之賊大敗之

賊久盤據海寧縣之石墩為巢至是出洋追敗之俘斬二百有奇

九月浙西之賊分掠浙東蕭山臨山瀝海上虞

攻嘉興府官兵追之與戰於孟家堰等處指揮李元律等死之

孟家堰之戰元律與千戶薛綱宋應瀾死焉既而賊走嘉善叅將張欽等敗之賊奔石家山百戶趙軒梁瑜戰死賊寇沈家河都指揮周應禎亦死之

十月百戶張曜御賊於湖頭死之

賊自甌嶼登劫突温州之湖頭曜統兵禦之敗績乃力戰而死

賊尋至東陽南午嶺巡檢朱純死之

賊自湖頭之敗走樂清越盤石嶺趨台州黃巖

仙居遂至南午嶺純統鄉兵邀擊之力戰而死

指揮戴祀等與賊戰於芙蓉海口死之

祀與江九山千戶崔海鎮撫劉成百戶易次皆戰歿

攻乍浦所

賊自金山而來攻所城不克乃分掠平湖嘉興等處復回柘林

十一月賊入嘉善縣遂至湖州

賊復自柘林而來入縣治又越嘉興府而西流劫湖州諸縣

十二月賊復入嘉善縣百戶賴榮華死之

賊歸自湖州復入縣治榮華統福兵禦之乘勝逐北賊預伏鳥銃手以待兵潰榮華死焉翼日賊焚縣治

自是而後賊入縣治凡十有七次無城故也

三十四年破崇德縣

時築城未完賊以小舟潛從南水關入賊至湖州橫塘官兵與戰敗績福建副理閻陶一貫温台守備周奎等死之

時同死者青州指揮孫勇羽林百戶陸陵玄鍾百戶周應辰山東把總梁鄂武生郭周張景安朱平姚清孫魯故青齊驍將也是役亦手刃數賊以衆寡不敵故敗歿

四月賊攻乍浦所不克遂至嘉興府巡按御史胡宗憲

敗之於王江涇

夏四月劇賊徐海麻葉等探知嘉湖兵調松江搗巢率衆數千人水陸並進聲言先攻嘉次及抗軍民洶懼御史胡宗憲方巡浙東台温諸郡得報連日夜馳詣嘉興會賊從嘉善來前驅迤邐薄城外衆益懼甚

胡曰兵法攻謀爲上角力爲下矧又無兵乃密屬吏取酒百餘甕鑽其顛投以毒劑塞如故載兩船選兵卒機警而猛者假冠服持赤牘坐船上稱解官解酒

餉軍載向賊所從道見賊卽號去冠服走賊信不疑馳報諸酋長諸酋長得酒大歡相率高會痛飲率多

死然賊黨尚衆我兵寡且懼怯適保靖宣慰彭蓋臣所領土兵數千至乘銳直前遇伏墮賊計挫於城南

石塘灣胡深憂之於是親詣軍營宣諭且勞告之曰

勝負兵家常事若等無畏顧兵多無衣與器械乃加賜錢帛牛酒召諸工書夜繕造器具懸重賞苗兵感激思奮乃指畫石塘地形曲折設伏夾擊賊果價敗北走平望平望故別有苗兵營賊不知會張總督從松江兼程來視師而永順宣慰彭翼南復從泖湖西出胡公又同督察趙公部署參將盧鏜等厲激之且躬環甲胄徑馳馬趨出四面合圍軍聲遂大振賊大沮還走王江涇遂大潰不支土兵與我軍乘之斬倭首千餘級墮溺水死者不可勝數

浙東賊犯紹興百戶葉紳韓綱死之

賊自錢倉白沙灣入奉化仇村經金城突七里店寧波衛百戶葉紳與戰而死賊由甬東走寧海崇立鄉復折而趨鄞江橋歷小溪樟村定海衛百戶韓綱與戰亦死之至會稽副使許東望率知事何常明典史吳成器圍之困於絕地幾盡斃知府劉錫縱之走由白米堰沿海塘過蕭山入富陽趨直隸徽州等處

五月賊犯餘姚省祭杜文明死之

文明團練鄉兵累立戰功至是統土兵禦之斬賊首一人從賊三十二人文明亦戰死焉其父杜槐亦死於楓樹嶺之戰父子忠勇人所難及

賊犯平湖指揮李希賢敗之

賊自柘林出掠至平湖希賢邀擊之大敗其眾俘斬一賊百二十有奇旣而賊益眾攻城月餘始解蓋賊首莊良之踪也

賊攻三山所把總指揮劉朝恩擊敗之

時朝恩已承院檄他委離所一舍聞報即馳還率軍民固守值霖雨城圯者數十丈賊譁呼謂唾手可陷城中洵洵或勸朝恩突走朝恩叱之曰我祖宗世受國恩今日正我報効之秋豈可以事權去已而規避耶且我去則一身之利得矣其如生靈何遂以身蔽圯所督戰者朝恩悟曰此幻術也投以生犬首發矢即中其酋帥貫喉而斃賊驚潰走朝恩復追殲之斬賊數級是役也內外居民全活者三四萬人

六月賊犯省城燒北關市總督尚書張經統兵禦之大

戰於塘棲敗績

初賊敗於王江涇精銳者多死柘林諸賊亦驚愕破膽胡御史計乘勝進搗賊巢欲令永保一兵由金山

海塘而進尼氏兵合遊擊鄒繼芳由閔行黃浦而進
狼兵攻其東苗兵攻其西海洋戰艦截其遁歸之路
必使賊無噍類以絕後患張不能用竟分永保兵以
援蘇州等處二兵困于奔疲且衆寡不敵故有是敗
賊尋走吳江之平望浙直官兵會擊大敗之

詳見直隸
倭變紀

賊從嘉善縣遁去嚴州府推官劉泉復大敗之

賊既不能取道蘇州乃拆而東南從嘉善乍浦以趨
舊穴泉率鄉兵禦之于三店塘復大破之斬首四百
六十餘級焚溺中毒死者復千餘人蓋
不藉客兵之援而專督鄉兵之功也

浙東賊犯餘姚兵擊敗之

賊自觀海道歸官兵追敗之于霍山洋

賊自觀海出洋都指揮王霽與把總閔溶
張四維等邀擊于霍山海洋悉沉其舟

參將盧鏜敗賊于馬鞍山新林復追敗於勝山龜鼈洋

八月副使孫宏軾等破賊于大陳山畧擒賊首林碧川

賊首林碧川自柘林遁出海為颶風沮回泊台州之
螺門宏軾與兵計東望參將盧鏜知府宋治都司
王霽等督舟師追之賊敗登山官兵圍之月餘碧川
與高贈烏魯魯美他即等一百五十人俱俘斬無遺

九月賊至舟山把總鄧城大破之

新倭方至海外傳警是日風浪盛作諸將相視莫敢
發鄧城奮曰寇不可玩當冒風濤一戰斬其不用命
者遂將數舟以往抵舟山伺之俄而霧合咫尺莫辨
乃令掩旗息鼓薄暮賊舟果至汨謝浦天昏黑不虞
兵船在也賊令善浮者渡木壘現得虛實誠兵士枕
戈達旦黎明縱舟奮擊賊逆戰倉皇不支俱駢首就
擒斬獲三百餘名
類沉溺者無筭

十一月官兵追賊于龕山平之

龕山之賊自温州登岸蔓延於會稽過曹娥江順
而西初總督都御史胡宗憲方在浙西勦川沙之賊
移檄諸將竟未有能殄之者至是親提大兵至欲斬
不用命者以徇因擇也形壁龕山之巔分諸將信地
皆露宿以待時參將盧鏜戰還總督促明日再戰鏜
曰上疲矣休養數日乃可總督佯許諾而密召親兵
謂曰若曹秦養久未立戰功今賊行滅而諸將首鼠
不進萬一賊得脫此徑渡錢塘江奈何今日正若曹

立功之會能乘其不意而襲之賊可盡也
請効死已乃激令典史吳成器統之以進不數里遇
賊死戰無不一當十賊遂大敗循海而走登匿山坡
堡我兵四面奮擊不得已登屋擲瓦礫下瓦盡繼之
以槍槍盡投刀刀盡乃下死守
我兵攻堡破之悉斬首以獻

賊登犯海鹽知縣鄭茂指揮徐行律即日討平之

賊自秦駐山登泊茂等率兵撲滅之是戰也賊雖止
於八十有奇然以是日登陸而官兵以是日盡殄之
則前此未
之有也

十二月賊犯平陽三港守備劉隆等死之賊尋平

賊自南鹿山流入金鄉至平陽之三港官兵邀擊大
破之賊伴為我兵裝束遠出陣後而以精悍者衝其
前腹背夾擊我兵遂潰隆與千戶鄭綱百戶梁登死
焉賊尋至嶧縣提督軍門胡令副使譚綸勦之授以
成筭仍令典史吳成器為鄉導引官兵由新昌進出
賊後期容美田九霄兵至夾擊之百戶王世臣等又
各分守要害以防賊遁至是官兵四起賊遂大潰走清
伏止以一哨誘敵賊出戰伏兵四起賊遂大潰走清
風嶺烈女廟官兵乘
勝攻之斬賊無遺

樂清賊犯寧海主簿畢清死之

清善騎射屢立戰功至是
禦賊於楓樹嶺力戰而死

尋至平陽壘指揮卞高等死之

卞與百戶劉愨
俱力戰而死

指揮閔溶亦戰死于舟山

三十五年正月官兵擊賊于後梅大破之

乙卯冬十一月倭賊自福建入浙越平陽仙居至寧
波奉化與錢倉賊合幾七百人深入紹興勢益滋蔓
提督都御史胡宗憲親督兵備副使許東望容美土
目田九霄同知曲入繩等兵往戡之遇賊江橋乃令
兵渡河九霄邀其前入繩襲其後賊見兩兵快至大
怖而走至後梅匪民家宗憲笑曰賊若乘我兵半渡
迎擊勝負猶未可量今已投死地復何能為乃悉眾
圍之三匝縱火焚之死者強半值大雨宗憲與將士
立田中夜五鼓大霧咫尺莫辨賊乘黑衝典史吳成
器軍成器故善戰驅兵四面奮擊之擒斬復若千人
然脫走者猶眾計賊必由山西嶺而遁命設伏以待
夜將半賊果至遂大敗之斬首及焚死者積五百二

十有奇餘奔太平蒲岐港官兵復追之賊堅壁不出
乃夜偪賊壘投以霹靂火器誰若劫營者賊驚起自
相攻擊死者又若干人
得脫者無幾竟出洋去

三月官兵進擊舟山謝浦之賊勝之

參將盧鏜知縣宋繼祖生員李良民武生
婁楠等會兵進攻大破之賊移屯邵輿

柘林賊攻乍浦所

賊首徐海陳東等自柘林沿海而來欲取乍浦為巢
進攻杭州次及蘇常以至南京兵備副使劉燾疾馳
應援與賊相持官兵大勝斬首五十有五賊勢少挫
翌日賊自金山而下者復萬餘遂圍燾于城中日夜
攻擊燾督官兵禦之賊不得問九日乃解去由海塘
而西燾尾追之斬首一百三十賊過海鹽轉塘灣指
揮徐行健禦之因眾寡不敵而死賊圍野無所掠分
作二支一逕至長安一由破石章婆堰與長安賊會
知杭州有備不敢攻而去

四月攻嘉興府指揮程祿死之

賊回至王店復分爲二半由海鹽塘半出長水塘期
會攻府城時嘉興兵俱往杭州賊規知之故乘空而

浙東新賊攻觀海衛龍山所進陷慈谿縣

至也適程祿所統陸兵五百至與金丹等水兵夾攻
之斬獲頗多賊後至甚眾其陸行者徑趨城下我兵
爲其所綴賊遂過城下而西急赴皂林以趨烏鎮祿
追之賊預伏民房以待祿遇害時官軍死者千餘人

時賊自鳴鶴塲臨山三江登者各千餘越數日始進
攻觀海龍山生員李良民統兵禦之賊乃往慈谿時
慈谿無城知縣柳東伯率民兵禦之而賊分踪逸出
兵後衝縣市都長沈宏率族屬土兵勦之斬首百餘
賊即遁去賊首爲周乙豐洲酋也○沈氏慈谿思橋
巨族家界於觀海鳴鶴間家衆二千人多驍點善鬪
自嘉靖以來海上多事寇上鳩山嶼鳴鶴縱橫蹂躪
沈氏不惟自衛且能殲其渠魁奪其所掠賊甚讐之
至是賊大至沈氏豪誓於衆曰無出婦女無輦貨財
誓以死守不能者先戮之章氏誓於內曰男子死闔
婦人死義辱與死等耳衆婦皆竦聽旣而賊圍沈氏
群婦聚於一樓賊散入戶章氏處出投於河周氏馮
氏繼之以死一樓賊旋自刃孟氏孫氏似姊爲賊所得相
柴即不放詈賊不屈奪賊刀自刺皆殲焉思橋之難沈
宗婦死難者三十餘人其六人尤烈者也章沈祚妻
參將盧鏜敗賊於慈谿之文亭

時賊將掠餘姚餘姚士民感之為勒石頌功云

佐擊將軍宗禮與賊徐海戰於崇德三里橋死之

海統賊萬餘流劫烏鎮胡宗憲遣千總錢焯率益兵百餘人為亡命投入賊中以為內應而檄知縣張冕剿之賊內外驚擾不得寧居欲仍往杭州至崇德三里橋禮與鎮撫侯槐何衡忠勇官霍貫道率兵九百禦之三戰三逐北賊死者以百數賊分番死

賊攻平湖縣

指揮翟文擊之賊退走指揮劉岱預伏潘港復追賊至瓦山皆勝之

五月浙東賊復入慈谿焚縣治攻龍山所

賊分二支一入縣治一攻所城為龍山兵所擊死者數十人乃解去

賊首周乙就擒

乙統賊四千餘劫慈谿不已而延及餘姚為浙東之大患至是就擒

福建流賊破僊居縣入據之

時方築城未完且值霖雨新城崩壞賊進攻者三知縣姚本崇悉力禦之賊夜分三支攻城西南而以一支潛由東北登陴遂入縣治先是賊自莆田岐頭流劫北至青田百戶方存仁死焉賊遂猖獗攻破縣城巡檢劉岱率兵求援亦死之

浙西賊圍桐鄉縣

宗禮兵既敗賊益縱肆提督阮鶚入壁桐鄉賊就圍之副使劉燾遣指揮朱文王彥忠來援擒斬賊二百六十餘人衆寡不敵我兵遂却

總兵俞大猷盧鏜敗賊于漁山馬跡洋

松浦口之賊自古窞遁出漁山海洋鏜與指揮張四維等追及之沉其數舟擒斬二百大猷復追及于馬跡洋俘首百餘

桐鄉圍解

副使劉燾遣指揮王彥忠等敗於斜塘

賊有復自松江來者屯斜塘風淫玉帶等處勢甚滋蔓燾令彥忠等逐之賊大敗復由橫浦東去

六月官兵進擊僊居之賊平之

賊據僊居胡公咨阮公往救之又檄副使許東望知府譚綸總兵盧鏜等從東路進賊聞大兵至乃走斷橋彭溪官兵圍於林同知家指揮伍惟員犯其前鋒俘彭溪三百死水火者不計餘賊六十人遁往天台復為鄉兵所殺而福建流賊遂無孑遺矣

應襲管懋等誘擒賊首華明陳東等

事見徐海本末

八月兵部郎中郭仁副使劉燾擒賊於秦駐山

時謀報秦駐山支嶺之上有群倭棲之其舟為觸礁所破不能長往仁與燾時駐乍浦即欲遣兵擊之將士皆云窮寇據險難以仰攻乃計令兵士挾降倭一人往說之詐其送付徐海其黨五十餘人悉棄兵而來因次第縛之

官兵敗賊於乍浦

詳見後敘中

賊首徐海乞降既而復叛據沈家庄總督侍郎胡宗憲

督察侍郎趙文華提督都御史阮鶚率官兵討平之

事見後敘中

盧鏜擒賊首辛五郎等於清港洋

辛五郎者宿寇徐海之偏裨也與陳東葉宗滿葉麻輩同巢柘林攻乍浦圍桐鄉毒螫吳下諸郡其志欲吞全浙窺留都勢甚猛也總督胡公欲滅之忌海與其黨既而海受餌為我用擒其所惡陳東麻葉輩而遣其所懼以歸島五郎在焉公密令總兵俞大猷等分布海洋要衝截殺諸寇而五郎則責之盧鏜鏜接密諭時方對諸客食忽命治艦之金塘山客相顧莫知所謂鏜自乘福船令將官率哨船若干以行次日泊金塘瞭見北洋有大舟揚帆而南令哨船四散潛也令哨船叢射之繼以銃炮賊以手且搖且招搖者示勿攻擊招者示有所言也哨兵颺言曰欲打話湏去爾兵器則相掌示無而呼一董一董者一家之義乃倭話也有華人從冠者曰吾乃胡總督爺招安放回者也哨兵曰汝既為軍門所遣豈可慢乎請至縣藉之謂五郎曰汝既為軍門所遣豈可慢乎請至縣

款洽而津送之遂延五郎同舟餘派哨船分載每載
不過三四人多則不能容也五郎辭鏜厚加禮貌五
郎不疑宴至深夜鏜坐福船上層將臺侍者引雙燈
上桅俄而哨船聚鏜問之曰如何齊應曰是了五
郎大驚請下哨船與衆夷同宿鏜曰諾令左右送之
穴梯而下至蓬戶外望維海不見五郎悟欲赴水死
左右不許曰卧榻在地平下五郎度不能免浩歎就
卧遂縛之翌日入定海關乃知賊徒俱已芟盡即前
夜起雙燈時也是了者乃復命也群賊死時皆不知
軍門之謀僉訝哨兵敢行悞殺五郎亦自以偶遇盧
鏜被執不知其出於軍門也

副使許東望擊賊於馬墓福山洋敗之

賊酋二曜表乃從賊七十餘皆就擒

九月百戶郎官追賊於臨海兩頭門死之

副使王詢總兵俞大猷率中軍侯廷佐擊舟山賊之

俘斬一百五十餘

十二月官兵進搗謝浦賊巢平之

先是賊據吳家山官兵自秋及冬屢攻弗克胡公命把總張四維以麻陽兵當歲除夜襲破之俘斬無遺是年兩浙之賊數踰二萬皆次第就擒而謝浦之寇即舟山之餘孽云

三十六年四月賊犯定海關應襲百戶俞憲章死之賊

亦敗遁

賊舟漂至沈家門副使王詢總兵俞大猷令把總張四維誘降五十三人至定海關適別艘賊殺憲章恐其中變悉斬之而移兵擊新至者賊敗宵遁

十一月賊首王直款定海關要互市總督胡宗憲誘擒之

事見擒獲王直

三十七年二月賊酋毛烈據舟山之岑港

王直既就擒毛烈等欲為之報仇不肯還島而據岑港分踪出掠官兵屢攻之弗克

都指揮戴冲霄等擒王直謝和餘黨頭目陳秀山等

秀山王信郭喬恕等直部下酋
松吳九等十五名和部下酋也

賊攻樂清縣城

賊舟入石馬港者甚衆即進縣城副使表祖庚泰將
張鉄逐之至和尚畧與太平流寇合兵五千餘人全
盤指揮劉茂朱廷鑰千戶周賓百戶李壽劉深與
而死鄉宦僉事王德良醫王沛督鄉兵禦賊亦死之

四月賊攻台州府

賊首二十餘人臨海島朱門劫松門寨寇台州
桃渚又有繼至之賊與合為一攻府城僉事李三畏
知府譚綸率兵剿之至
隘頑所海濱大敗之

温州賊過太平縣典史葉宗與戰死之

攻温州官兵討平之

時台州賊復合樂清賊攻温州府總督胡公遣參將
戚繼光追之及於盤石館大敗之賊遁出港參將張
鉄預奉胡公方畧嚴舟師海口以待斬首百餘焚其
舟數十賊死者無算先是賊分二分劫象山寧海
居知府譚綸悉擒斬之戚繼光
又追及於海洋賊遂全敗

八月官兵進剿舟山賊巢平之

詳見後
敘中

三十八年三月賊巢象山何家磯副使譚綸討平之

賊自何家磯登犯者三百餘據險為巢樹木營以自
固總督胡公檄副使譚綸剿之綸與總兵俞大猷計
曰喉者報賊甚多而今登犯者止於三百其嘗我乎
乃令大猷率舟師備之於海而自率陸兵往禦之至
定海即欲進兵將士請曰兵士遠來乞休三日而戰
綸曰賊數不及三百久掠不去者蓋謂我無兵耳今
聞大兵四集不且嚴為備宜出其不意急擊之乃
進兵至馬崗賊繼至者五百自金井頭而來至近綸
即移兵先擊之前鋒既接綸分兵從中衝之賊遂大
敗追至落頭斬級以百計賊避入山中竟宵遁焉翼
日綸率軍進搗何家磯賊巢賊殊死戰綸遣奇兵從
間道出賊後擊破之賊潰入舟中因縱火焚之俘斬
盡

賊犯樂清參將張鉄敗績千戶胡鳳等死之

賊自梅畧劫次日至望巖鉄迎敗之乘勝進攻賊伏
麥田中官兵入其伏遂潰千戶胡鳳等死之

皆死

賊犯定海把總陳其可與戰敗績武生蔡啓元死之

賊自立家洋入犯為參將戚繼光所敗至奉化之蔣家舖副使譚綸遣其可擊之其可違編節制乘勝逐北為賊所乘遂潰敗啓元死焉

四月賊攻樂清縣

賊自石馬港入者二十人張鈇射死其酋二人賊驚潰奔舟

桃渚圍解

時賊攻所城甚急幾至陷歿總督軍門檄譚綸往應之綸至入所城與戚繼光合攻之俘斬頗衆賊遁莒埠依山為固官兵又進攻之復大捷賊遂併入柵浦賊巢

參將張鈇敗賊白沙嶺

賊自松海登陸及太平遁至之寇合踪至白沙嶺鈇預設伏以待賊至入伏正兵方合伏兵繼起大敗之賊遁出海去

五月柵浦賊夜襲松門衛城副使譚綸等擊破之

綸既破桃渚者之賊即回軍向松門擊柵浦賊既入衛城以守城卒久而疲且風雨晝瞑恐賊乘官兵初至來攻城乃令諸偏裨悉軍通柵以備巷戰而令戚繼光軍分配城守諸偏裨皆竊笑之夜漏下四鼓果有賊數百襲西門先登者且三十輩殺城卒火城館守者紛紛墮城走章延稟陳其可督兵大戰斬數賊賊乃退共計宵遁綸與繼光尾賊後計賊必出金清開鑿二舟塞之賊果至起塞時綸駐新河所城堰旗示弱詐為新河老人遺書于賊約饋千緡令勿攻城賊信之乃不起塞明日繼光軍出壁牛橋誘賊賊果悉衆往綸盡銳兵出南門復遣人搜賊仗悉走之賊依舟以拒官兵攻之沉其二舟賊大敗奔陸復大敗乃棄輜重越過南岸官兵追之及於南灣嶺賊復據濱海高山分五部以拒官兵蔡汝蘭等進搗其巢先令奇兵間道奪其巔以拊其背張左右翼以貫其中遊兵復四面環攻之賊遂大敗斬首三百生擒數十百人賊潰圍奔樂清黃華掠舟出海而去

副使劉存德參將張鈇進搗海游賊巢平之

先是存德鈇預令把總任錦等設伏石所庄港口而自督兵進剿之賊知大兵將至即遁出洋伏兵擊敗

之追至猫頭洋又敗之追至青門洋又敗之沉其舟數十俘斬數百餘賊會屯海為游兵擊斬盡絕

九月福寧賊流至桐山指揮盧錡等敗之

賊掠福建而去為颶風所擊復至桐山錡與梅魁等揚其巢預遣人伏賊巢中約被虜人為內應而令指揮李光佐典史黎喬伏水北策應之夜二鼓賊巢火起各兵乘亂夾攻賊大敗奔前岐官兵復追及之斬首一百三十

十一月賊遁往福建盧錡等復大敗之

錡等知賊將遁設伏秦順港口伺之賊至大敗官兵追至同坑適仙居知縣區益以坑兵來會前後夾擊復大捷俘斬二百有奇

十二月王直伏誅

四十年四月官兵擊賊於馬魯沙坡大敗之

賊新至官兵遇之於海洋中追逐至馬魯沙坡敗之賊奔陸適冠帶把總章延稟守舟山引兵設伏坡上約水兵合擊之賊遂大敗

賊犯新河所官兵擊敗之

賊自週洋港登劫僉事唐堯臣遣指揮劉意等擊敗之復用火攻賊死者百餘遁太平漁嶺復追敗之

賊犯台州參將戚繼光敗之

賊自挑渚登陸流至台州為繼光所敗追至新橋賊又敗走死者百餘而繼至者復二千餘人至黃沙為繼光所敗乃登山以拒官兵復追敗之圍於白水洋民居火攻之賊遂盡絕是役也賊多兵寡而我兵九戰皆捷俘斬千餘焚死者稱之

五月賊犯大嵩官兵擊敗之

賊為我兵所逐出至橫嶺扼於水兵不得去乃奔入鮎崎副使王春澤檄總兵盧鏜由南路奉化以入象山而自引兵由大嵩望湖頭棗村進期與合擊適賊至棗村官兵擊之賊大敗潰斬首一百五十

紀剿徐海本末

嘉靖丙辰徐海之擁倭奴而寇也一枝由海門入略維揚東控京口一枝由崧江入略上海一枝由定海關入略慈谿等縣眾各數千人而海自擁部下萬餘人直逼乍浦而登岸則破諸舟悉焚之令人各為死戰

朝廷

又導故窟柘林者陳東所部數千人與俱併兵攻乍

浦城蓋四月十九日也當是時

幕府麾下募卒僅三千人俱孱弱不可用故總督所

徵四川湖廣山東河南諸兵俱罷去所為緩急者特

容美土兵千人及參將宗禮所籍河朔之兵八百人

耳南北諸倭酋不下數萬謀者聲言他酋分掠於江

淮吳越諸州郡間以扼援兵而海等當窟乍浦下杭

州席卷蘇湖以脅金陵氣恣甚總督胡公方召諸司

畫計無何故提學阮公代胡公為總督胡公未至夜半

聞乍浦圍卷甲趨之胡公亦分遣兵救浦海鹽之間

為聲援而自引兵壁塘栖相犄角居頃之海聞新總

督胡公即故御史所嘗提兵督戰於鶯湖王涇之間

而覆之者氣稍阻尋罷乍浦圍聞兩公方擁兵壁近

郊不復敢窺抗於是徑略峽石越皂林出烏鎮以

烏鎮者即海故所犯蘇湖舊路也當是時胡公既獲

諜度蘇湖之問惟鶯湖為四戰之地於是撤河朔兵

自嘉興入駐勝整陣而待因以吳江水兵遮其前湖

州水兵尾其後而公自引麾下募卒及容美土兵衡

直友善者數輩入海諭直直果感悅願如約遣其養

子毛海峰款定海關謝過間以諭海海已勾薩摩諸

島人入劫故不相及而海峰者云云彼固未之聞也

胡公策曰直與海雖順逆不同其勢固唇齒也直既

悔悟海獨不可以大義說之乎不然彼貪人也誘之

朝廷

以和或可徂其心聞桐鄉城小而堅緩之數十日則

朝廷

遺謀者陰過海所曰直已遣子欵定海關

朝廷

仰體德意推心置入腹若不乘此時解甲自謝他日必為

朝廷

虜矣海頗然其計於是亦遣酋而詭釋其罪公洋諾

朝廷

報以銀牌綺幣厚遺來謝酋而陰令營中盛兵容私

朝廷

謀者故縱首撤之酋既德公遺又內佈公之兵威也

朝廷

歸以報海明曰復遣他酋來謝公視之如初兀數復

朝廷

疑海私公遺猶款款未之從也海間遣酋次桐鄉城

朝廷

下私城上兵曰某邑聽總督胡公約解去矣城東門

朝廷

故柘林賊陳東黨也鴛悍不吾從若當謹備之是夕

朝廷

海果道崇德而西且乞他兵於公以夾擊東胡公猶

朝廷

心訝未之許而東獨盛為樓櫓撞竿以撞城而桐鄉

朝廷

令金燕者疆幹吏也城中一切兵仗火藥諸已繕備

朝廷

提督阮公復躬厲矢石狗城上人數百人方撞竿自樓

朝廷

死之士督戰益亟所殺傷賊亦數十人方撞竿自樓

朝廷

櫓中躍而撞城城幾壞一男子為縶索圍撞竿所擊

朝廷

故窟處竿至即縶挽以上斬之又募冶者煮鐵汁灌

朝廷

城下酋城下酋不敢逼東既無何聞海等解去道遠

朝廷

勢且孤亦相與稍稍引去圍始解而提督阮公出矣

時五月二十三日也方阮公因桐鄉時固日夜望總
督胡公援兵之至而胡公亦重念東西之安危身之
獨守王倫宣撫田九霄勒兵自嘉興入壁斗門分守
注公督同知縣張冕勒兵自湖州入壁烏鎮參將丁
僅勒兵自海鹽入壁王店指揮繁墳督同千戶羅天
與勒兵自崇德入壁石門又令崇德令崔近思收河
朔之散卒入城為聲援兵四面環賊遠者二三十里
近者十餘里而陣然各以狃皂林之敗遂巡惶怖不
敢逼而公業遣謀羈說賊亦日與公與阮公兩入者為
以決一戰也計無可柰何而胡公與阮公自圍中頗急於
同年故深相結者及援兵不合阮公自圍中頗急於
是兩相猜而他謗者與為飛語撼兩公者盈道路矣
當是時

朝廷

聞東南之寇即日出尚書趙公督山東河朔諸兵援
之及兩公所私相猜者語頗聞趙公鎮東南者念兩
公者為肺腑交所嘗兩推轂中朝以鎮東南者念兩
公卒有却州則東南之事抵牾不可圖於是日夜引兵
而南至揚州則阮公業已出桐鄉圍東渡錢塘徇會
稽諸下邑擊他賊胡公亦聞尚書趙公之至且戰且
南淮揚昆陵之間無足慮海為巨孽間雖扭而內附
中固不可測而上海之賊萬餘人由吳淞江西引方
急迺日遣謀者唱海以金帛而說之東出海擊他
賊海亦果收諸倭酋出乍浦道平湖時謀報吳淞江

之賊已鼓行涉嘉善界欲西合海公念海萬一卒他
變兩相合柰何因策海始已焚舟為深入今不得舟
必急於是遣謀詢海謂海既內附何不如故約勒兵
擊吳淞江賊且篡奪其輜掠舟以歸海果然其計即
日引諸首逆之朱涇道上斬首若干級餘賊遂夜走
以故海不及篡奪其舟而還及他酋脫而出海也公
又別遣總兵俞大猷伏飛艦海上遮擊之弱且盡於
是海既德公不敢背又聞吳淞江賊之出為海兵所
遮擊益內怖日輸款於公遂輦故所戴飛魚冠及他
堅甲名劍數十種並以輸公而間遣其弟洪入質於
公公固佯納之公又謀聞海麾下獨書記葉麻為長
首其為人頗黠而悍近與海爭一女子有微鄰非用
間急縛之則無以死彼之內附之心於是遣謀就海
帳中諷海縛葉麻以出葉麻出而諸酋中林隸葉麻
部曲者稍稍怨且懼矣怨且懼恐生他變則又以他
罪縛得幾百餘人公又策陳東於諸部曲中與葉麻
聲相倚頃以桐鄉之役兩睚眦者也數遣謀持簪珥
綵翠遺海兩侍女令兩侍女日夜說海并縛東海間
諾而陳東者薩摩王弟故帳下書記首海固未之能
也於是出葉麻囚中令其詐為書於東反兵賊殺海
其書故不以遺東陰泄之於海激怒之使并縛東海
讀其書涕變下益德公之不忍為東所賊殺之也日
夜謀縛東以報公居無何尚書趙公移兵渡江來所
過州縣數舉兵向賊賊輒敗走俘斬若干級兵威大

布當是時公已知海之甘心於東不忍疾擊海疾擊之兩人迫而深相結則東南之事未易圖而尚書趙公之至也私約公共部署兵擊海連日急且召公故所遣謀面詰之曰若為我諭海海連兵以來罪不容死非縛陳東及斬千餘級以獻恐無以謝

朝廷若能則吾當同督府諸公疏釋之不然若且蓋粉矣是時既公亦至於海益怖出所故掠中國貨物千餘金賂王弟詐請東代署書記海因夜得東即縛以故約復於胡公葉麻與陳東相繼縛而諸酋長洵內亂矣是時諸酋長既疑且怨海無間心故其氣日窘海亦自度縱令反故島當亦必為諸酋長所賊殺故為內附日固而公與趙公薄青海益急海既急因念欲掠舟出海恐為海上兵所劫欲列壘拒官兵又業已內附不忍背且陳東黨固日夜襲殺之也公策曰彼既亂吾可乘之矣因遣謀私海曰我國欲寬若趙尚書翁以若罪孽大何不聽我儀數十艘海上若且誘之逐海上破令浮斬千餘級以謝趙公而若因得引兵伏乍浦城中而某日時某當引眾出海岸去公引兵半里而陣佯令眾首逐海上艘某手旗麾之城如故約乘之諸倭首逐海上艘如蟻不及還兵閩卒是諸官兵得乘勝蹂而前不傷一卒所俘斬數十百人沒海者無筭於是海自以數有功於

朝廷願與部下諸酋長入款且庭謁胡公與尚書趙公提督阮公及巡按趙公並許之謀往復期以八月初二日然海猶恐問設甲士劫之先期一日卒擁酋數百人胃而陣平湖城外自帥酋長百餘人胃而入平湖城中以求四公按次稽首呼天星爺死罪復面胡公北嚮面四公而末之識因顧謀謀目示之海復面胡公為欺呼天星爺死罪死罪胡公亦下堂手摩海頂謂稽首呼天星爺死罪死罪胡公亦下堂手摩海頂謂之曰若苦東南久矣今既內附

朝廷其赦若慎勿再為孽海復稽首呼天星爺死罪罪變於是四公厚犒遺之而出是日城中人無不洒然色屬疆脅無禮又不及如謀故所期月日而先日卒至也其習行祭點若此於是謀不期月日而先日卒至為患計部下尚千餘人猛鷲難即破未保兵猶逸遠道未至也於是佯令海自擇便地居之海果自擇便地得沈家庄即沈家庄與居之是為八月八日當是時眾復喧然詳諸公輩何不撲滅海不然且縱之出海上令自解去顧泰虎以自禍也不知諸公者固有待於是胡公與尚書趙公提督阮公私自部署兵又日夜遣使趣來保兵來會兵未集恐海驚禍且肘腋間胡公因日遣謀誦海且啗海如曩時公因謀以請於趙公曰吾聞善兵者垂其所之海與陳東黨業已深仇今合而兩附者迫故耳聞沈家庄故東西

島夷所為也故東南雖知王直之叛而不知受禍之慘皆由直者獨總督胡公前按浙時見賊進退縱橫而不聞直法知必有坐遣者且賊酋來者皆直部落也妻及子于金華府獄中至是出之豐衣食潔第宅奉之以為餽而疏請以移諭日本禁戢部夷為名其實

上從之乃遣生員蔣洲陳可願充正副使以行公以密計授洲等曰王直越在海外外難與角勝于舟楫之間要

直南面痛孤身不履戰陣而時遣偏裨雜種侵軼我

皇靈以攜其黨使窮髮皆知向化則賊之勢自不能容然

後道之滅賊立功以保親屬此上策也洲等領計敬

所料不爽毫髮中外始曉然知狀于是

上以公灼見禍本降旨規羅益密御史金制陶承學交章請立賞格有能主設

詔曰可嘉靖三十四年十一月洲等至五島遇王敖道以

移論事激曰無為見國王也此間有徽王者島夷所

宗令渠傳諭足矣見國王無益也明日直出客館見

洲等推髻左衽旌旗服色擬王者左右簇擁洲等心

總督公不曳尺纏牽而鞫之而遠勞訊使死罪死罪

盜賊之行何也直曰總督公之聽誤矣直為

國家驅盜非為盜者也洲等曰是何言與足下招聚亡命

糾合倭夷殺人剽貨坐分肉獲而為之辭曰我非為

盜者是何異于昏夜操畧以臨人之地執之則曰我

非盜魚者為君護魚者也雖三尺童子知其必不然

矣直語塞洲等曰總督公統領官軍十萬益以鎮溪

麻寮大刺土兵數萬緣鱧雲屯戈矛兩注水陸戒嚴

號令齊一而欲以區區小島與之抗衡是何異于聘

螳臂以當車轍也又曰總督公推心置腹任人不疑

知矣何不乘機立功以自贖保全妻孥此轉禍為福

之上策也直默然而罷乃挾洲等巡數小島而還而

從此風聞外夷隨其顛指者頗少變而狡賈倚直為

淵藪者多有離心直始不安于彼矣初直聞母妻為

戮心甚忿欲犯金華及聞洲等言無恙又竊喜于是

始有渡海之謀日夜集所親信者計之謝和等曰今

日之舉未可冒昧以往也當遣我至親為彼所素信

者先往宣力以堅其心待彼不疑然彼全師繼進始

可以逞直笑曰妙筭也遂托宣諭別國為名留蔣洲

在島令葉宗滿王汝賢王激同陳可願回至寧波詰

之皆云宣諭未至時徐海陳東已擁薩摩洲夷過洋
入寇矣今王直歸順先遣葉宗滿等投起効力成功
之後他無所望惟願
進貢開市而已公得報已揣知其計姑從所請疏
上許之公喜曰虜在掌中矣先是海中倭寇敗沒有零寇
百餘據舟山為亂公遣葉宗滿等協助官軍剿之盡

藏焉公疏
上功次犒賞有差王激笑曰此何足賞若吾父至當取金
印如斗大嘉靖三十五年三月徐海等果擁眾十萬

餘寇松江嘉興諸郡甚急聲言欲下杭城取金陵勢
張甚公乃謀之王激等以觀其意激等初欲小試恐

動故甘心于舟山之寇至于徐海等正其所倚以圖
大事者且欲速直來共濟乃辭曰是非吾所能辨須

吾父來乃可耳遂留夏正童華邵岳輔王汝賢在軍
門自以招直為名與葉宗滿開洋去是年徐海等以

次就擒事見徐海傳公恐形跡彰露委心留用王汝
賢等撫摩若親子然葉宗滿兄弟並加禮遇時時對

將吏士民曰直非反賊顧強弟不一見我見我當有
處也直聞公意指謂公誠朴可欺欲乘機以全親屬

且未知徐海等敗沒以為縱不可欺所料亦可與之應
援得志而去遂決策渡海先遣蔣洲次遣王激葉宗

滿等率統卒千餘執無印表文詐稱豐洲王入
貢先泊岑港據形勝分布已定直乃與謝和等慷慨登舟
醜酒誓衆曰俞大猷吾嘗戰之列表泊岸時須謹備

之公當直未至時已度其有隙隙隙調俞大猷于金山
而以總兵盧鏜代之盧鏜者舊與王激等從事舟山
同飲食撫循倭夷備至直坦然不疑惟日聚羣倭孺
兵刃伐竹木為開市計且索母妻子弟求官封時公

上請以安其心
上已直知直為釜魚智力俱非胡公敵乃顯

詔王直既稱投順却挾倭同來以市買為詞胡宗憲可相
機設謀擒刺不許疎虞致墮賊計公奉

詔秘而不宣夜馳至寧波城圖方畧密調參將戚繼光張
四維等督諸健將埋伏數匝水陸要隘星羅棋布列魚

鳥莫度乃以夏正等為死間諭直曰汝欲保全家屬
開市求官可以夏正等為死間諭直曰汝欲保全家屬

誰信汝汝有大兵于此即往見軍門敢留汝邪况死
生有命當死戰亦死降亦死等死耳死戰不若死降

降且萬有一生焉直拂然不悅而公與其所親信王
激葉宗滿先遣來見者連床卧因伴露諸將請戰書

十餘篇于几案王激等竊視驚怖夜半公作醉夢中
語云吾欲活汝故禁不進兵汝不來休怨我也含湖

其辭吐滿床王激等漏之于直直始疑之又使其子
澄齒指血寓直書云軍門數年恩養我輩惟願汝一

見使軍門有辭于
朝廷即許脊屬相聚汝來軍門決不留汝藉令不來能保
必勝乎空害一家人耳又使邵岳童華等往來游說

直隸猶豫未決公以直執戀岑港已諭五旬察其心神終屬觀望乃開關揚帆示欲進兵直探知四面兵威甚盛終無脫計且知徐海等敗沒孤立無援因嘆曰昔漢高祖見項羽鴻門當王者不死縱胡公誘我其李我何乃曰部兵無統欲得王激攝之公知海上諸賊惟直多智習兵父雄異或得人心為難制其餘皆鼠子輩母足慮諸將亦云以犬易虎不可失也遂遣激往直乃桀然詣軍門時嘉靖三十六年十一月也公執之付按察司獄乃集三司諸大夫參議曰王直始以射利之心違明禁而下海繼忘中華之義入番國以為奸勾引倭夷比年攻劫海宇震動東南釋騷雖稱悔過以來歸仍欲挾倭而求市上有干乎國禁下貽毒于生靈惡貫滔天神人共怒問擬斬罪猶有餘辜公具疏

旨斬直于市梟示海濱妻子給功臣之家為奴王女賢葉宗滿俱從末咸邊遠充軍王激出洋為颶風所覆其餘從賊魚散鳥驚奔聚山谷公親督官兵掃除黨與皆絕嘉靖三十九年二月兵部始以封賞之議

上請 詔曰大熟既除海氛已靖部議報謝徐徐何也胡宗憲可太子太保都察院左都御史兼兵部左侍郎蔭一子錦衣衛副千戶其餘有功者陞賞有差

浙江事宜

論要害

兩浙形勝太半負海島夷之來最為切近日本舊時貢道在焉論列郡之海口則温州之飛雲橫陽館頭台州之松門海門寧波之定海太浹湖頭渡紹興之三江沙門杭州之赭山龕山嘉興之乍浦澈浦皆倭寇窺犯之地列郡之門戶也守門戶則堂奧自安矣論海洋之要害則金盤之鳳凰山南麂山松海之大陳大佛頭昌國之韭山定海之舟山遠而陳錢馬蹟下八山臨觀之列港海寧之洋山許山皆倭寇必經之地沿海之藩籬也守藩籬則門戶自固矣夫浙東地形突出海外固為當敵要衝浙西雖涉裏海而豪

華財帛之所聚也尤為賊所垂涎兩浙設禦其容以
軒輊耶

論設備

浙洋沿海舊設四總後增為四叅六總矣四叅者杭
嘉湖一寧紹一台金嚴一溫處一也六總者定海昌
國臨觀松海金盤海寧也悉其防禦之制自內達外
有三重焉會哨於陳錢分哨於馬蹟羊山普陀為第
一重沈家門馬墓之師為第二重總兵督發兵船為
第三重備至密也乃若定海者是寧紹之門戶舟山
者又定海之外藩其地則故縣治也為里者四為輿
者八十有三五穀之饒魚鹽之利可供數萬人不待
取給於外非若普陀諸山比也

國初置昌國衛於其上屯兵戍守誠至計也信國公經略
海上以其民孤懸徙之內地改隸象山其見左矣都
御史唐順之議復之即今屯兵哨守豈非守江必守
淮之微意哉

論會哨

倭寇之來每自彼國開洋必徑抵陳錢山歇潮候風
集艘分犯若遇東南風高則望洋山以犯蘇松浙西
東南風和則望韭山朱家尖以犯寧紹若遇東北風
和則犯大佛頭主山鳳凰山以寇台溫東北風急則
越桐山流江以入閩是陳錢洋山乃浙直共守之門
戶桐山流江實閩浙相依之唇齒今以直隸兵船會
哨於洋山福建兵船會哨於流江嘉興寧紹台溫兵

船各會哨於隣總各取印信到單繳驗本總兵船各分哨道更相會哨其外洋總要山島每處撥軍數名責令收集柴草按伏瞭望遇警亦如烽堠之法舉火放銃則遠近易知兵船無悞而倭寇可無虞矣

總兵俞大猷云自潭岸山以北以西之海水淺砂硬大船誤閣則破壞且無避風安壘兵船至彼如遇夜必須當洋下旋旋不能堅每被急流飄去或夜半發風則尤危然多賴天幸要非安計然則宜如何曰錢塘江烏嘴頭浦內船兵一枝不可無餘則練陸兵精卒一枝以待而嚴龕楮哨探遠謀焉庶救倉猝或曰賊舟何能至此曰賊用单桅小舟徑抵山邊閣乾登劫故必用陸兵追捕方不走脫若以兵船必高大方能

勝賊如與賊舟等則勝負未可必也今言禦賊於海也易要非通論海本遼闊舟行全藉天風與潮人力能幾風順而重則不問潮候逆順皆可行若風輕而潮逆甚難夏秋之間西北風起不日必極大操舟者見此風候須急收安壘兵船在海每日遇晚俱要酌量收泊安壘以防夜半發風至追賊亦要預計今晚收泊何壘若一意前追遇夜風起悔無及矣

又云沿海之中上等安壘可避四面颶風者凡二十三處曰馬蹟曰兩頭洞曰長塗曰高丁港曰沈家門曰舟山前港曰澇江曰烈港曰定海港曰黃岐港曰梅港曰湖頭渡曰石浦港曰猪頭壘曰海門港曰松門港曰蒼山壘曰玉環山梁壘等壘曰楚門港曰黃華

水寨曰江口水寨曰大畧曰女兒畧中等安畧可避
兩面颶風者凡一十八處曰馬木港曰長白港曰蒲
門曰觀門曰竹齊港曰石牛港曰烏沙門曰桃花門
曰海閘門曰九山曰爵溪畧曰牛欄磯曰旦門曰大
陳山曰大床頭曰鳳凰山曰南麂山曰霓畧其餘下
等安畧只可避一面颶風如三孤山衢山之類不可
勝數必不得已寄泊一宵若停久恐風反別迅不能
支矣又潭岸山灘山許山之類皆團土無畧一面之
風亦所難避可不慎乎

都御史唐順之云江南控扼在崇明浙東控扼在舟山
天生此兩塊土大海中以障蔽浙直門戶諸哨船皆
自此分而南北總會於洋山若會哨嚴緊遇船即打
賊何從入信國廢昌國故縣而內徙之恐是下慮之
一失未可謂昔人盡是而今人非也

把總蔡汝蘭云台州遼處海濱誠四塞之國南有桃畧
金竹北有桑洲桐巖西有關山衛野臺嶂層岡重關
鳥道真可禦之險而且南去盤石楚門僅百五十里
東南去松門僅百里東去海門僅八十里設或倭奴
棄舟登陸皆可卒至城下自海門而上者則一朝直
達實一時難禦之變也三面阻山一面瀕海孤懸於
數百里之外救援接濟所難卒至者惟此耳曩者戚
叅將駐兵挑渚而倭奴屯聚桑洲遺輸糧銀經月不
至孤危之勢誠可畏也今宜於台州專立督餉方面
積聚糧餉訓練兵士以爲重鎮而且西控溫處金衢

北衛寧紹權非遙制而威可近飭也

鄭若曾曰國初定海之外秀岱蘭劍金塘五山爭利內相仇殺外連倭夷歲爲邊患信國公經畧海上起遣其民盡入內地不容得業乃清野之策也趙侍郎近奏令民開種以給幕租若興此利金塘一山即可墾田數萬畝歲入米幾萬石玉環諸山計之每歲可得米幾十萬石大爲海防之助但其患二故當道屢議屢止其一足倭人藉以爲糧結巢于此兵費反多其一是大家爭佃秋糧難徵且無益于小民以愚計之須丈量爲屯田召民耕種輸賦軍門耕者搭棚廠而居不挈妻孥不得買賣逐歲更始如人家放租之法則官民兩利而爭奪之患免矣官差石工伐山造壘海洋有警小民避入賊知堡中無子女財帛自無結巢之念矣

都指揮戴冲霄云議者皆謂玉環等山可興屯田之利以給幕租愚謂此等山古時有民居耕作信國公皆遷之內地不許其得業豈誠棄地利而不知惜哉亦念荒山起稅爲利不多即以萬頃計之不過千石若寇據此以爲巢穴則攻逐之費不知幾倍是賫盜糧爲小而失大也故舟山止留二所瞭守而亦不許民屯種其爲慮至深遠今日備倭之策不必遠求查復信國公之制而已矣

鐘按金塘玉環諸山有言其可屯者有言其不可屯者將安取衷哉大都海外絕島但當計其要害

不當計其小利如地有所必爭則雖無所利猶當守之况有屯田之利乎如地在所可棄則雖見有居民猶當徙之况無居民乎何也滇海孤懸島夷易犯若無兵守之是委民以與敵也若有兵守之是利十而費百也試觀浙之舟山閩之海壇粵之南澳皆稱膏腴然其守之者良以固內地之藩籬耳若論屯田所入之利豈足以供兵費之十二三哉即此可例論矣

一台州沿海近漲灘塗長數十里闊十里若倣范蠡圍田之法令民耕種外設海塘一條以捍鹹潮俾不得傷稻每歲九科以給幕租可得若干萬石

一浙江平倭亂之後不二十年又有壬午兵民之變雖緣撫御乖方亦以其地習戰鬪所用皆土著之兵若閩中土客兼用軍兵並駕雖有一二脫巾終不敢爲大逆亦得犬牙相制之法也然其原在於將領不知大體無有勇知方之訓而越中兵柄多歸有司將帥無權平時威令旣不下逮有急安可望其節制此皆覆轍所宜更駕者也

籌海重編

籌海重編卷之五終

